

南洋官報

戊申八月二十九日

旬報第一百廿六册

南洋官報

旬報第一二六十二册
光緒三十四年八月二十九日

NAN YAN KWAUG PAO

ISSUED THREE TIMES PER MONTH.
Nan King

△諭旨

△督院轅抄摘要

△代論

督憲端尙書江南法政講習所畢業訓詞

△內政

吏部奏嚴定禁煙考成議叙議處各案摺◎考察憲政

達大臣奏考察日本憲政情形摺◎調查局詳暫擬表式文◎

又請以自治局畢業學員派管本地方統計處稟◎江南自治

局詳擬呈實地調查所總章請示文◎各省要聞彙誌

△學務

度支部奏議覆江蘇學費擬於鹽斤加價勻付摺◎學

部咨覆禮部考試優拔及保送舉貢並分別學生與考文◎又

通咨各省各項學堂皆歸提學使管轄考核文◎督憲端札甯

藩司文◎上海科學儀器館總理上督憲稟◎各省要聞彙誌

△軍政

江督端奏南洋測繪學堂地形測量辦理大概情形並

開辦三角測量摺◎補錄督憲檢閱陸軍命令◎憲兵司令部

詳文◎各省要聞彙誌◎各國要聞彙誌

△財政

度支部奏催本年京餉摺◎又奏催本年籌備餉需片

◎又奏議覆江督等奏請就已購銅斤儘數開鑄銅元摺◎金

陵釐捐總局詳文◎各省要聞彙誌◎各國要聞彙誌

△商務

農工商部奏籌議華商創興瓊崖事宜酌擬辦法摺◎

農工商部咨江督文◎各省要聞彙誌

△增奏定諮議局章程

八月十九日奉

旨成都將軍著馬亮補授未到任以前著蘇嚕岱暫行署理欽此

旨鑲黃旗漢軍都統著鳳山補授文瑞著補授西安將軍欽此

旨成都副都統著鍾靈調補正黃旗漢軍副都統著都凌阿補授欽此

旨正黃旗蒙古副都統著景麟署理欽此

二十日奉

上諭直隸提督著姜桂題調補甘肅提督著張勳調補李福興著補授雲南提督欽此

二十一日奉

上諭林紹年奏舉劾賢否各員一摺河南汝寧府知府李兆珍上南河同知黃家駒鄭州直隸州知州葉濟署禹州知州襄城縣知縣熊廷襄署安陽縣事南陽縣知縣陶炯照卸署夏邑縣知縣補用知縣邱銘勛以上各員既據該撫臚陳政績均着傳旨嘉獎丁憂候補直隸州知州宋敬熙任意玩公操守難信洛陽縣知縣孫壽彭居心

奸狡結納彌王輝縣知縣李如棠有意諱飾巧滑不堪准補新鄭縣知縣署固始縣知縣顏綿祐物議沸騰民心滋怨候補知縣李文義嗜好甚重鄆世仁逃犯不報利欲薰心試用知縣方鎮唐利心甚重忌憚毫無王維從倚勢招搖聲名惡劣豫河候補縣丞殷季光慘酷異常淮甯沈項縣丞王正柏藉端斂錢唐縣縣丞余恩榮約束不嚴輝縣教諭王定鋆嗜好遊鄧州吏目阮湘違例擅受陳留縣典史周佩銘不知檢束西平縣典史周篤培物議滋多確山縣典史周晉熙與民爭利鄆陵縣典史趙廣儒擅受釀事均着卽行革職卸署南陽縣試用通判王體隆親幕當權頗滋訾議卸署長葛縣鄧州知州潘守廉徒事舖張甘於自棄密縣知縣王寶鋆懦不理事易受欺朦鄆陵縣知縣王玉山案多諱飾才具極庸西平縣知縣程嘉毅徧急任性不免濫刑扶溝縣知縣金廷棟耽於小利不知大體署淮甯縣事商城縣知縣李德基嗜好未除事多廢弛襄城城守營都司龔從岱年老氣衰不能約束光州州判曲利潭嗜酒誤事唐縣教諭陳簡久曠職守新鄉縣教諭李大猷衰老頽唐鄧州吏目熊熙嗜好已深老岸鎮巡檢張鳳山疏於防檢均着以原品休致代理登封縣准補

上蔡縣知縣增喜事權旁落民有煩言商邱縣知縣薛鴻先才識迂拘不勝繁劇鄧

上蔡縣知縣增喜事權旁落民有煩言商邱縣知縣薛鴻先才識迂拘不勝繁劇鄭州管河州判周篠成少不更事頗招物議均着開缺另補餘着照所議辦理該部知道欽此

二十二日奉

上諭江南江安糧道員缺著吳對調補譚啟宇著調補河南南汝光道欽此
上諭正黃旗蒙古副都統王士珍現在百日孝滿仍著署理江北提督欽此

八月十八日、統領江西巡防隊左路各營袁坦辭 候補道趙有倫稟知接辦江甯商電局差 海州
叅將戴鶴松專丁叩謝蒙奏加一級 知縣黃樹臣專丁稟知睢甯縣任內交代算清○十九日 福山
鎮徐 屯墾總局李均到 會辦江南調查局李璜由京來 督練公所叅議官吳茂節奉委秋操軍需
局差 鐵路總管理鍾文耀到 鎮江礮臺官顧臧到 廟灣遊擊陳得昌辭 知府英鎮謝委訪求農
礦物產差 知州胡希林由天津來 上元縣田赴崇禮鄉相驗回 江利船宋奉薩軍門來電派往十
二圩儀棧駐防 揚州巡局巡官杜鴻賓到 藩臺陳稟知明日開稽查官員戒烟所 潛山營遊擊張
廣源辭 叅將張明貴稟謝存記 知縣饒孟燾由蘇來 知府施煥專丁稟知銷查徐屬種烟地畝差
轅下警衛隊巡弁楊懋榮謝委秋操陸隊巡官○二十日 候補道吳祖梅稟知驗收法政學堂工程
差 江北陸軍教練處知府田應詔到 知縣雷振鐸奉委赴徐州各屬查勘煤礦 縣丞張秉濬由京
來 太湖秋操警務長張祖溶謝委辭○二十一日 甘肅提臺姜軍門會 候補道爽良謝委署徐州
道 沈榮慶由湖南來 清江下游濬河工程鍾元棣到 沛縣李緒田辭 新選安慶都司張秀昆由
京來 知縣徐芳懷劉家岡 縣丞楊逢甲華嚴岡 均謝委火藥庫差 統領新勝營徐辭 候補道
石淦由通州公幹回 江甯縣龍稟知會委赴鄉查勘秋災 知縣劉佐成由江北公幹回 朱永錫燕
湖回 海州吏目唐文治辭赴任○二十二日 海州商埠工巡宋康復到 總叅議舒 叅謀處章均
謝委陸軍部一等諮議官 礦務局翟到 中西醫院瞿謝委會辦釐捐局差 候補道倪世熙謝委會
辦公園差 吳庚辛由滬公幹回 寶山縣胡調元到 知縣梅長遠 高紹廉 州吏目唐作楫均謝
委火藥庫差 三十四標三營隊官劉國樑 排長蔣振南 郭鴻翔 秋操一隊巡官楊鹿鳴 二隊
余家謨 三隊張冕甲 五隊汪理純均謝委○二十三日 糧道譚稟謝調補河南南汝光道 講武

堂監督陳蔚辭赴皖公幹 陸軍學堂提調顧琪赴滬會議諮議局 江北教練處田應詔辭赴湖北

知府任進由湖南來 楊毓嵩海門公幹回 陳應綬如皋泰興 同知胡世延銅山宿遷 知縣高紹

廉上元江甯句容均奉委查種烟地畝差 施振瀛由揚來 鄒炎由徐州來 呂祖綬日本回 大通

左哨都司蕭凌雲到請咨赴引 調充教練處收發公牘鍾奎錫謝委○二十四日 壽春鎮陶到 釐

捐局陳稟知量辦 候補道王漢鵬奉委驗收模範學堂工程 先鋒官副將黃高彩叩謝部復留兩江

補用 知府任進辭赴滬 歐瑞麟湖北來 請補沭陽縣夏啟瑞叩謝准補飭知 知縣周祖同銷調

查揚屬膏捐差 朱益敬六合勘秋災回 施奎委轄下文案差 劉重堪委草場門綿花火藥局差均

謝委 李瑞懋清河桃源安東 勞道傳興化東台泰州寶應 縣丞周毓棣海贛均謝委查種烟地畝

差 楊逢甲到華嚴岡火藥局差 通判程以綸 巡檢王仁術均奉示繕寫履歷○二十五日 內閣

中書徐振清湖北來 翰林院傅增湘由京來 上海道蔡到 署徐州道爽良赴蘇 候補道李維翰

奉委點驗秋操軍械品物 知府琦珊赴鄂 通判熊濟洙赴宿遷均辭 知州李壽曾贛榆 知縣蘇

錫岱上海均公幹回 車炳由蘇回○二十六日 隄工局耆康到 候補道蔣輝謝委中西醫院 許

鼎霖由滬來 城守協何謝委兼署督中協 鎮江府承璋到 知府延齡奉湖廣總督陳調鄂差委

謝恭寬專丁叩謝江北賑務案內蒙保補缺後以道員用 知縣朱益敬 黃裳治 巡檢洪慶餘均謝

委查各州縣禁種罌粟差 鹽大使俞鎮奉委巡警文案○二十七日 候補道馬聲煥到 沈邦憲謝

委轄下文案 蘇省鐵路彈壓盧懋善到 通判瞿宣采由蘇來 秋操轉運局提調鍾炳熙由滬公幹

回 知縣許炳敖奉委裁判處參事南洋刷印局提調差 於蔭先銷查勘瓜清路綫差回 上海洋務

差遣吳俊卿到 永方昌謝委三十三標三營排長 洪武門稽查盧文璧奉委調中路五區巡官差 藩轅牌示 新選睢甯縣邵式善現已繳憑到省應即飭赴新任署蕭縣李六年期滿遺缺查有正任劉

督憲端尚書江南法政講習所畢業訓詞

今日立國根本當以法律知識普及爲第一要義吾國人民於風教禮俗率能習慣於其中公認爲不可畔背至於法制率多意爲出入不獨受法者不爲法治卽執法者亦難於施法往往良法美意難於施行條教號令幾同虛設其有大禁大防爲人民重足所不敢犯者非畏法也畏刑耳故東西人士嘗謂吾國爲無法治之國孟德斯鳩有言法律者有其立之而民守之者也禮俗者無其立之而民成之者也守之之事難成之之事易尋其原理亦苦於人民無法律知識而已今日爲法政講習所畢業給憑期諸生彬彬均能學修及格此卽法律知識普及之嚆矢蓋一人能知法律卽一家能知法律互相傳播互相研習卽人人知法律今之世界法治之國無不興非法治之國無不亡本部堂游歷歐美考察政治觀於其朝野上下無不範圍於法之中雖有大力莫或通假其政治之機關既極完備其人民之公私界限又極分明有秩序有規則議者幾疑爲人民道德優尙所致其實文明之機日進貧富之差日遠機械之事日繁自哲理言之人民道德方將有墮落而無增進而竟能治化蒸蒸一治不亂者亦曰有法治而已故法律之學千條萬緒就其

精者言之足以擴張國力保護人權若就淺者言之第使人人有秩序有規則即可謂之
有道德法律道德蓋二而一者也諸生爲講習所人員宜深維講習之義期於使此知識
普及於人庶幾人人有道德有立憲國民資格西諺有言吾人生活於法律動作於法律
又曰法律者人類所不可不由之道本部堂願諸生自明此義并使人人明此義而已諸
生勉之

吏部奏嚴定禁煙考成議叙議處各案摺

奏爲嚴定各省地方官禁煙考成議叙議處各案繕具清單恭摺請

旨遵行事竊准

民政部等衙門奏酌擬禁煙稽覈章程嚴定考成辦法一摺內稱至嚴定考成一節卽以稽覈之是否嚴密奉行之是否切實定其考成之高下惟所請議叙議處各案事關吏部自應由吏部查例酌擬奏定遵行以昭劃一等因於本年四月二十四日奉

旨依議

欽此欽遵咨行到部查現在實行禁煙關係甚重非嚴定功過不足以示勸懲臣部禁煙各舊例與現在情形多有不同自應按照其原單所開議叙議處並從優議叙嚴加議處各條查照例章酌覈擬定另繕清單請

旨遵行如蒙

俞允應由臣部通行各省

督撫查明實係一官經理前後任勿得牽混按年造冊分咨民政部各衙門暨禁煙大臣查覈知照臣部卽按照此次奏定章程辦理所有擬定緣由理合恭摺具陳伏乞

皇太后 皇上聖鑒謹 奏光緒三十四年七月二十四日奉

旨依議欽此

各省地方官禁煙考成議叙議處清單

一各省地方官於本章程內應行冊報各條依限造報無誤者每屆三年准由各該督撫奏請交部議叙

應照例給予尋常加一級 一各省地方官於本章程內應行查禁各條依限禁絕者查明屬實准由各該督撫隨時奏請交部議叙應令該督撫查明實係一官任內扣足一年者每年准其加一級 一各省地方官能將境內栽種罌粟地畝膏土各店及吸烟人數於一年以內減至十分之三以上且並無騷擾情事者查明屬實准由各該督撫奏請交部從優議叙應令該督撫查明實係一官經理前後任勿得牽混於卸任時造冊分咨各衙門照異常勞績未補缺者給予班次已補缺者以應升官階在任儘先補用如已有班次升階無可再加者仍給予尋常加一級從優再紀錄二次 一各省地方官於應行冊報各條限滿不報者交部議處擬照造報各項錢糧文冊遲延例違限不及一月及一月以上者俱罰俸三個月二月上罰俸六個月三月上罰俸九個月四五月以上罰俸一年半年以上降一級留任一年以上降二級留任二年以上降三級調用俱公罪冊報不實者交部嚴加議處擬照錢糧文冊不分晰明白者降一級留任公罪例從嚴降二級留任公罪 一各省地方官於應行查禁各條限滿未經禁絕者交部議處擬照奉行不力例降二級調用公罪若未經查禁捏稱禁絕者交部嚴加議處擬照朦混私罪例革職臣部例止革職無可再加該管上司知情不行參揭者交部嚴加議處擬照徇隱例降一級調用私罪例從嚴降二級調用私罪 一各省地方官於境內栽種罌粟地畝膏土各店及吸烟人數統計一年內遞減數目不及八分之一者交部嚴加議處擬照奉行不力降二級調用公罪例從嚴降三級調用公罪

奏爲恭報考察日本憲政情形具陳管見仰祈

聖鑒事竊奴才於上年十月恭荷

恩命出使日

本考察憲政迄今半載覘其經國治民之規模叩其學士大夫之議論隨時記錄積有成篇業經繕寫清本分訂成冊進呈

御覽惟時日短淺所得無多而綜此半年考察之情形參以奴才管蠡之窺測有不能不爲我

皇太后

皇上縷晰陳之者數年以來朝野上下鑒於時局之阡危謂救亡之方

祇在立憲上則奏牘之所敷陳下則報章之所論列莫不以此爲請

朝廷亦旣宣布

詔書明定立

憲期限此眞非常之功震鑠前古薄海內外感戴同深然則我國家將來之必爲立憲政體無可疑矣雖然立憲之爲利爲害不可以不明期限之宜短宜長不可以不審苟其本源之未澈必至議論之多歧挾成見者固可以危辭而惑

聖聰昧大局者又將以目論而敗至計盈廷聚訟一是莫衷此則不可

以不辨者也夫世運未有不由鄙野而進於開明國家未有不由弱小而臻於強大而求其致此之故則端在於政體之改良故萬車連軌不能容一乘之退行列國爭強不能聽一邦之終弱苟其外與世運對違必召陰謀內與民意相違終成暴動東西歷史具有明徵緬前事而堪師實近今之宜法奴才竊願我

皇太后

皇上今日所宜綜覽時勢亟仰

宸斷者有二事焉一曰政體之急宜立憲也一

曰憲法之亟當欽定也政體取於立憲則國本固而皇室安憲法由於欽定則國體存而主權固此皆有百利而無一害之事敬爲我

皇太后

皇上剴切陳之夫所謂政體者何也政體云者蓋別乎

國體而言所謂國體者指國家統治之權或在君主之手或在人民之手統治權在君主之手者謂之君主國體統治權在人民之手者謂之民主國體而所謂政體者不過立憲與專制之分耳國體根於歷史以爲斷不因政體之變革而相妨政體視乎時勢以轉移非如國體之固定而難改例如日本君主國體也一姓相傳已歷千載而維新之明治雖盡變其歷古相承之制度究之大權總攬仍在天皇故政體雖盡其翻變之奇而國體實未有毫髮之損我國之爲君主國體數千年於茲矣易曰天尊地卑乾坤定矣春秋曰天生民而樹之君使司牧焉五倫之訓首曰君臣此皆我國爲君主國體之明證也國體旣爲君主則無論其政體爲專制爲立憲而大權在上皆無旁落之憂蓋國體者根於歷史而固定者也政體者隨乎時勢而流動者也世或以政體之變更而憂國體之搖撼於是視立憲爲君權下移之漸疑國會爲民權上逼之階猶豫狐疑色同談虎此皆大誤者也國體政體之辨旣明然則奴才所謂政體之必宜立憲者何也考歐洲憲法之發生其淵源有二一由於歷史之沿革一由於學說之闡明而其結果皆爲人民反抗其君流血漂杵而得者也歐洲中古本爲封建制度各私其土各子其民威福日增漸流橫暴其在英也則有英王約翰英王查理斯英王威廉三次之革命遂訂權利法章准權大典權利請願三次之憲章其在美也則因英國賦歛殖民之虐遂起脫離母國之心十三洲逼而稱兵華盛頓舉爲領袖糜財鉅萬血戰七年卒開獨立之廳遂定成文之法統領由於公選政治取於分權其在法也則其憲法之完成實經三次之革命爲禍最烈流血獨多影響遍於歐洲蔓延及於列國斯固未有之奇禍也考法蘭西

成實經三次之革命爲禍最烈流血獨多影響遍於歐洲蔓延及於列國斯固未有之奇禍也考法蘭西
第一次之革命實由路易十四世爲發生暴橫甚於嬴秦殘酷浮於桀紂觀其朕卽國家之語實背民爲
邦本之經於是三級人民大開會議自人權宣言之發布實立憲政體之初基後以路易背約更逞陰謀
通款外邦欲引回紇而平安史大招民憤乃合孟津而誓諸侯此第一次之革命也其第二次之革命則
因查理斯十世能散國會壓制平民廢印刷之自由削議會之權利於是報館學生及勞働者集一萬之
衆建三色之旗占據市街攻毀牢獄闔城鼎沸舉國騷衛人起逐其君厲王出奔於彘史家所稱巴黎
七月大革命者是也其第三次之革命則因人民要求改正選舉法而起其時適當二月二十二日學生
勞働者集衆數萬會於廣場高唱改正萬歲大收武器直逼王宮逼王退位別立新君以臨時政府之委
員草民主共和之憲法統領之任定爲四年選舉之方取於直接帝政既倒民權益張史家所稱巴黎二
月大革命者是也法蘭西既有第三次之革命而影響所及遍於魯比奧意諸邦如火燎原不可遏抑其
在普也則有柏林三月之變柏林六月之變其後普王雖欽定憲法採用民權而當國會修政之時正君
民爭權之際幾經協議僅乃成功其在奧也以梅特涅爲宰相實專制界之巨魁鞠獄之酷過於張湯法
網之嚴甚於羅織禁同偶語剝言論之自由律等挾書奪出版之權利然而丈水決防自然汎濫同盟雖
聖終乃無功避朱泚而幸奉天罷林甫以謝天下乃頒欽定之憲法意欲修好於國民大亂初平王又背
約後因一敗於意再敗於普王乃鑒外交之逼迫悟民意之難違終發布憲法焉其在意也則有加富爾
加里波的瑪尼志等共謀建國統一諸州轉戰數年乃告獨立黨名燒炭終揚羅馬之光人慕自由共奉

沙王爲主頒布憲法行之到今其在比也則始因人種問題久思脫荷蘭之軛繼受巴黎影響乃謀興革命之軍悉逐防師一清境土是時荷蘭請援於普比亦請援於法然普爲封建之制其應募者盡屬傭兵法乃共和之邦其來援者全爲義旅卒之兵未交戰勝敗已分經五國之調停許比人以獨立歐洲憲政其淵源於歷史之沿革者既已如是而所謂淵源於學說之闡明者何也自十八世紀以來歐洲人士競談新學所謂權利自由獨立平等諸說次第而興當時之君固亦視同妖言斥爲邪說其後大勢所趨終難箝塞矣英國首採其說疊次改正憲法如臣民權利自由之保障也裁判官之獨立也國會參與立法議決預算也徵收租稅必依法律也國務大臣負責任也君主無責任也卽此舉舉大端莫非創始於英國而實以學者之議論爲之先河其後法人孟德斯鳩考究英國政治著法意一書創三權分立之論而盧梭又著民約論繼之三權分立者謂行政立法司法三權宜各由特別之機關獨立對峙互相節制之謂也而民約論之大旨則主張天賦人權謂人本生而自由不受壓制惟當共結社會契約以社會之總意分配權利於人民人民對於總意受其拘束此外悉可自由此二氏立論之大概也自孟德斯鳩之書成而歐洲列國之政體咸以是爲基礎自盧梭之論出而拉丁民族之國體咸因此而變更蓋學說之力足以激動人心左右世界者有如此矣考之歷史則如彼徵之學說則如此本理論而遂生事實藉爭鬪而乃得自由觀其數十之條文實捐萬民之身命緬懷列國真可寒心且夫察往者所以知來也懲前者所以懲後也網繆漏戶知道惟未雨之詩聞假國家明政有及時之訓見幾不吝於移日置獄共鑒於前

神器其去東遷之周室末造之炎劉殆無幾也自美艦東來要求開港幕府既與結約遂失民心守蛙見而始欲瓊夷咎戎首而轉思覆幕迨至將軍歸政王室復興志士尊王列藩奉籍於是朝廷之上忽分二黨卽王政復古黨與王政維新黨是也其主張復古者卽前之攘夷派也其主張維新者亦前之攘夷派後知夷不可攘乃思應時會而亟謀變法者也復古黨以國粹爲重誤以變更政體爲有礙名分之尊維新黨以國體自存今卽百度更新實無損乘乾之治卒賴天皇果敢英斷獨抒先酌古而斟今決從人而捨己乃遣其臣木戶孝允大久保利通伊藤博文等先後馳赴歐美考察憲政當其辨香告廟特頒五誓之文戒旦臨朝未許萬幾之暇求賢等於饑渴圖治因以勵精上下同心君臣一體其如火如荼之氣象覘國者早決其必強矣雖然民心猶水就下之勢難防時運如花向春之苞難遏當豫備立憲之日正民權最盛之時守舊者方執口實以聳朝廷維新者欲憑威權而謀鎮壓鹿兒犯命藩士伏尸江戶陳書黨人下獄斯時日本之國勢蓋岌岌乎殆哉然而人民之於君猶赤子之於父母也索餅餌而遽施以夏楚則啼哭愈以不休請權利而轉壓以威稜則叫囂決其益甚於是御前會議乾斷獨裁縮短發布憲法之期亟定開設國會之限詔書一下萬姓歡呼朝陽出而燭火微雄雞鳴而天下曉乃於明治二十二年布憲法二十三年開國會焉蓋自伊藤博文等考察憲政歸朝以來相距不及七年耳於是一戰而勝再戰而勝名譽隆於全球位次躋於頭等非小國能戰勝於大國實立憲能戰勝於專制也綜觀以上所陳則

世界立憲之大概與日本立憲之情形可以得矣而奴才願謂立憲可以固國體者何也今天下一國際競爭之天下也國際競爭者非甲國之君與乙國之君競爭實甲國之民與乙國之民競爭也故凡欲立國於現世界之上者非先厚其國民之競爭力不可國民之競爭力有三一曰戰鬪之競爭力一曰財富之競爭力一曰文化之競爭力備此三者而後帝國主義可行帝國主義者聚全國人民之眼光使之射於世界之上高掌遠蹠不爲人侮而常欲侮人不爲人侵而常欲侵人故軍國主義者卽戰鬪之帝國主義也殖民政策也勢力範圍也門戶開放也利益均霑也關稅同盟也卽財富之帝國主義也宗教之傳播國語之擴張風俗習慣之外展卽文化之帝國主義也今之列國或於此三主義中取其二焉或並取其三焉而要以戰鬪財富爲尤重大抵欲行帝國主義者咸以財富文化爲先鋒而以戰鬪爲後盾此爲今日世界列國之公例循是者興反是者亡無可逃矣立憲政體者所以厚國民之競爭力使國家能進而行帝國主義者何以言之中國古時鎖國閉關獨自爲治其所稱爲外患者不過沿邊之小部落而又以越國鄙遠爲戒故其時常重內患而略外憂雖得君有秦皇漢武唐太宗元世祖得臣如張騫甘英房杜耶律楚材等而文化祇及於域中武功終屈於海外何也蓋無國家主義之競爭無國民主義之行動只須一二之賢君相指揮號令於上而是時之民不過作君相之機械而已今也不然八字交通萬國並峙其競爭也常取於國家主義其行動也常取於國民主義苟其國家國民依然祇有機械之資格則欲以一君一相最少數之人而與五洲萬國無量沙數之人對抗以云關力不啻蓬之撞鐘以云關智湯

武其猶病之此固可以斷言者矣然則立憲政體之所以必能厚國民之競爭力者則又何也夫立憲之國家其人民皆有納稅當兵之義務以此二義務易一參政之權利君主得彼之二義務則權利可以發展國民得此一權利則國家思想可以養成斯時也君主又爲之定憲法爲臣民權利之保障而臣民又得於國會協贊君主之立法及監督國家之財政上下共謀朝野一氣一休一戚匪不相關如家人父子者焉夫如是也以云戰鬪則舉國團結一致爲對外之舉所謂臣三千唯一心者是也而戰鬪力足矣以云財富主義則平日君主政府常藉國力以翼勵其殖民保護其貿易戰時則以國家之信用募集內國之國債而人民因欲保其身命財產也不得不先割其財產之一部以應國家之要需所謂百姓足君孰與不足者是也而財富充矣以云文化則教育之事地方可以各出財力以自謀政府常爲監督而獎勵之義務教育既易於普及則進而上之爲文學爲宗教爲道德爲風俗爲言語發揮其固有鎔鑄其新知聖學逐漸以昌明異端無庸於置喙寢假行於全國焉寢假行於各藩屬焉寢假行於本洲焉所謂聲教訖於四海者是也而文化盛矣夫戰鬪財富文化既爲帝國主義之要端而是三者則斷非不立憲之國所可以夢想而幸獲何也不立憲則其國家之機關不完其在上也不能謀國民之發達而下之國民亦因被上之拘束不能自謀其發達夫國民之不能發達則其競爭力不厚競爭力不厚則不足以立於國際競爭之場而於此獨謂能行其國家主義者此地球之上未曾有也昔奧大利曾謀久以專制立國結神聖之同盟卒之一敗於意再取於普俄國爲世界著名之專制大國一遇彈丸黑子之日本竟至喪師

今則普奧二國既先後立憲矣。普自勝奧勝法之後，鐵血宰相之政略久足以懾寰球而俾士麥則亟亟於發布德意志帝國之憲法。日本自幕府歸政以來，版籍奉還廢藩置縣，中央集權日形鞏固，亦何嘗樂於立憲哉。然外有國際競爭之劇烈，知非立憲而謀國民之發達，則不足以圖存。蓋大勢所趨，終難久抗。祇因其見機之早，故不必如歐洲列國之革命流血，竟告成功。此誠其大幸者也。夫日本之立憲，距今將二十年矣。此二十年來，世界列強政局又屢變不一，而今日之亞東大陸適爲環球視綫所趨。當此之日，縱使憲政卽行而事既後於日本二十年機，又危於日本數十倍。將來成敗猶未可知。况乎兵欲渡河，猶作宋人之議論哉。以上所陳，皆立憲可以固國本之說也。而奴才更謂立憲可以安皇室者，又何也。夫專制之國，其皇室每與國家相牽連，故往往國家有變，其影響必及於皇室。日本從前亦復如是。觀其大室令之所載，可以知矣。自維新以後，大改制度，凡於人民發達有直接關係之事，則移諸國家，而於天皇有直接關係之事，則歸諸皇室。皇室國家之劃分，純以責任爲標準。有責任者，天皇使國務大臣負之，無責任者，則命宮內大臣任之。蓋政治之事，依於國民之狀態，而時有變遷。國務大臣隨其變遷而達政治上之目的，而皇室之事，則關係天皇永無改變，並無責任之問題。故以宮內大臣掌之。日本宮內省官制，凡涉及國家之事，宮內大臣與國務大臣協議而行，而令國務大臣負其責任。所以然者，蓋恐宮內大臣若對國家而負責任，一有不慎，或貽皇室之憂，以是之故。宮內大臣之職務全超然於國家政治之外。宮中

此區分名曰間接政治間接政治者謂依憲法以組織施行之機關由此機關間接以行政治也蓋君主國體皇位本爲世襲其間難保無一二失德之主若非行間接政治則施發號令一拂民情使危皇位故一夫不獲時予之辜萬方有罪罪在一人在昔方引爲美談而其實以君主一人自任天下之重苟非堯舜則未有不危殆者吾國自湯武以來征誅之局成爲慣例者大率以此而現今立憲各國則內閣且夕有更迭之事君主萬年無易位之憂責任所關可以睹矣或謂若行間接政治則君主所管者祇有皇室事務而國家事務全在大臣之手如是則君主不將徒擁虛位而大臣不將竊弄權柄乎斯言也奴才竊亦疑之及詳細考究而知其不然試引一例以言之今有一商人其先第就家室之內經營商業久之家政與商業相混於是家之存亡一係於商之贏絀後知其法之不善乃別設公司於外公司之中有理事有株主商人出居公司則居於理事長之地位入居家室則居於家督之地位公司有公司之章程家室有家室之規矩家政商業兩不相關如是則公司雖有虧折之虞而理事株主人人有責彼商人之家室固毫無影響也惟國亦然皇室者家室也國家者公司也君主對於皇室所處之事務亦猶商人對於家室所處之事務君主對於國家所處之事務亦猶商人對於公司所處之事務商人經營公司可以居理事長之地位君主創業垂統自當握總攬之大權皇室則愈見安全權力固未嘗減少考諸憲法之實際足以徵信而無疑舊時憲法之精神在於三權之分立三權分立之說在昔孟德斯鳩本有誤解彼之所言謂國家立法行政司法三大權宜各設特別之機關而行使之互相獨立不受牽掣是說由今觀之

不能無弊何也夫所貴乎國家者以有統治之權力也統治權係惟一不可分之權若其可分則國家亦分裂矣故學分國家主權爲三事而使分任之者各自爲其權力之主體此種理論實爲國權統一之原則大抵近今立憲國家固以孟氏之論爲基礎然捨美國實行分權制度外餘則未有不曲加改良者其在日本則如司法之裁判所其法律本爲君主所定裁判官特以君主之名執行法律故裁判官直轄於天皇不受他機關之節制以此謂之司法獨立非謂裁判所別有法律雖天皇不得干預其事也此司法獨立之未嘗減少君權者一也至於立法之議會在日本議會不過有協贊立法之權耳其裁決與否屬天皇之大權至法律案關係重要者政府猶得用種種之方法操縱議員以求其通過而最終尙有命其解散或停會之權其議會提出法案雖亦憲法所許然其議決上奏者天皇可下內閣審議內閣若以爲有礙政府施政之方針則不奏請裁可於是議會提案遂以未經裁可不得成爲法律此立法獨立之未嘗減少君權者二也若夫行政之內閣則尤爲完全屬於天皇施政之機關自表面觀之內閣大臣事事宜負責任其權似較天皇爲尤大而實際則不然日本憲法國務大臣之負責任也非對於議會負責任實對於天皇負責任故天皇有任命大臣更迭內閣之權而關於皇室國家之事務其應如何區分一任天皇自由之判別天皇對於皇室之事固可自由處置而對於國家之事苟其不背憲法之條規皆得以命令其內閣內閣大臣對於國家之事務苟其稍涉重大則無一不宜奏請而後施行夫英國議院內閣也其內閣大臣權力宜較大於日本矣然千八百五十年宰相巴氏因未經奏聞擅認拿破侖三世爲帝

也其內閣大臣權力宜較大於日本矣然千八百五十年宰相巴氏因未經奏聞擅認拿破侖二世爲帝
女王維多利亞遂罷免其職英國如此日本可知此行政未嘗減少君權者三也君權未嘗減少而此間
接政治既可以安皇室又可以利國家元首爲其總攬機關皇室超然於國家之上法之完全無過此者
以上所陳者皆立憲可以安皇室之說也今夫新陳代謝者天地之常經也因時制宜者帝王之盛軌也
故寒暑互易萬物斯涵化育之恩泄沓相仍朝政安有清明之望惟有聰明之主燭照幾先與父老而約
三章人心自然歸漢開明堂而敷五教天下始解尊周 宸斷必待先扞 乾綱乃能終秉非然者

西河險固舟中不能防敵國之謀東晉風流江左何以弭強胡之亂伊川披髮患不必於百年文武無靈
道將盡於今夜奴才所謂政體急宜立憲者此也所謂憲法之必當欽定者何也考憲法制定之歷史有
東西各國之不同就形式以言有三種之區別卽欽定憲法協定憲法民定憲法是也欽定憲法出於君
主之親裁協定憲法由於君民之共議民定憲法則制定之權利在下而遵行之義務在君大抵君主國
體未經改革或改革未成之國家其憲法仍由欽定如日本與俄是也已經改革或經小變亂而未變其
君主國體之國家其憲法多由協定如英普奧是也既經改革而又盡變其君主國體或脫離羈絆宣告
獨立之國家其憲法多由民定如法如米如此是也憲法制定之形式既有三種而政治連行之實際亦
遂不同卽學者所稱大權政治議院政治分權政治是也大權政治者謂以君主爲權力之中心故其機
關雖分爲三而其大權則統於一其對於內閣也得以一己信任之厚薄自由進退其大臣其對於議會
也則君主自爲立法之主體而議會不過有參與之權議會雖有參與之權而君主實仍操裁可之柄其

對於裁判所也其裁判權雖寄於裁判所而大赦特赦減刑復權之事仍屬天皇之自由此大權政治之大概也議院政治者以議會爲權力之中心立法之權既全歸於議院而行政之權亦間接而把持君主行政必須內閣大臣之同意而內閣大臣之進退又視政黨意見之從違蓋立法行政之權皆混同於議會之內矣此議院政治之大概也分權政治者其大統領則有行政權而無立法權其議院則只知立法而不問行政界限分畫兩不相侵此分權政治之大概也雖然後之三種政治實與前之三種憲法有因果之關繫焉何也蓋憲法由於欽定者未有不取大權政治者也憲法由於協定者未嘗不欲行大權政治其終末有不流於議院政治者也憲法由於民定者則大權政治議院政治皆所不取蓋皆行分權政治者也故日本之憲法欽定也而大權政治生焉普國之憲法協定也而不能行大權政治英國之憲法亦協定也而議院政治生焉法米之憲法民定也而分權政治生焉考此三種之政治不能卒斷其短長儻持國體以爲衡實以大權爲最善而欲行大權之政治必爲欽定之憲章夫憲法之中有大端卽君主臣民政府議會軍隊是也此五大端者皆無害於國體而無損於主權然憲法苟非由於欽定則此五者皆不免爲流弊之滋何則查歐洲各國君主雖亦稱爲皇帝實不過其歷史相沿之敬稱而未必卽爲握有主權之元首例如德國君主亦皇帝也而其實際乃聯邦最高之機關皇帝與帝國議會聯邦議會實立於同等之地位比利時憲法認主權出自人民故其國王大權每爲憲法所制其他法蘭西諸國係君主之地位大抵與此判若兩途

主之地位大抵與此判若兩途

開章明義首於天皇而特權大權又多外記匪特外記已也即其未經外記之事亦爲天皇固有之權今試就其外記者言之一曰戒可法律之大權二曰召集議會及開閉解散之大權三曰發行法律勅令之大權四曰發行政命令之大權五曰定行政各部官制及任免文武之大權六曰統帥海陸軍定其編制及常備兵額之大權七曰宣戰構和及締結條約之大權八曰宣告戒嚴之大權九曰授與榮典之大權十曰恩赦之大權十一曰非常處分之大權十二曰發議改正憲法之大權凡此大權皆爲歐洲各國憲法所罕有而日本學者尙謂有漏未規定時啓疑問之端中國制定憲法於君主大權無妨援外記之法詳細規定既免將來疑問之端亦不致於開設國會時爲法律所制限此欽定可以存國體而鞏主權者一也至於臣民之權利規定於憲法內者實自美國始而法國繼之自後歐洲日本制定憲法皆專設爲一章如所謂身體自由居住移轉自由信書秘密自由信教請願自由言論結社自由住所不可侵所有權不可侵不知者方謂其民權之伸張已達極點充其所至實可貽犯上作亂之憂而豈知日本憲法其揭載臣民權利自由者莫不限之以法律如言論出版結社集會之自由也則歸於法律範圍內有之是則出乎法律範圍外者可以禁止無疑矣如所有權之不可侵也則解之曰認爲公益必要之時當依法律所定則是必無關於公益必要者方許以不可侵之權無疑矣其他如住所如信書秘密亦必以無反法律之所定方許其爲不可侵信教自由必限以無背義務無害安甯請願自由必從別定之規程守相當之敬禮而際戰時及國家事變之頃猶有不得礙天皇施行大權之明文據此而言則臣民權利自由

實不過徒飾憲法上之外觀聊備體裁以慰民望已耳何也臣民之權利自由必間接而得法律命令之規定非可由憲法上直接生其效力也且立憲國家未有不重行政之命令處分者當行政權行使之時臣民未嘗不負服從之義務故臣民權利受其限制者極多英國國民權發達之國也而治安判事尙兼行政司法裁判之職權遇有違反行政規則者得行其強制之力所謂強制權者是也而日本之行政執法亦於明治二十三年以法律勅令明定之此國家對於臣民有強制權之明証也強制權之外又有所謂非常權非常權者謂人民苟以暴力抵抗命令之時事小者用警察稍大用憲兵再大者用軍隊尤大者天皇可以宣告戒嚴焉當施行戒嚴令之時則舉其平日歸於司法行政所保護之臣民權利自由一切置諸軍隊處分之下以民權最大之法國猶爲此戒嚴制度之濫觴是後各國從而仿之此國家對於臣民有非常權之明証也或疑中國人民本來安靜一言權利未免囂張不知歐洲各國之憲法或協定或民定其人民權利既無制限而義務亦多自由日本爲欽定憲法苟不規定臣民權利既違憲法之原則亦何以責其納稅當兵之義務乎且其所謂權利者如居住如轉移如言論如信教等皆中國所視爲固有之權利而日本皆定憲法之中其操縱之意可知矣雖中國制定臣民權利不必盡如日本而操縱之法則必使出於上之賜與萬不可待臣民之要求此欽定可以存國體而鞏主權者二也政府者政治之府也在立憲國之政府必置國務大臣又以國務大臣組織內閣而國家行政上之機關乃備自表面

而觀國務大臣之權以爲甚大而不加立憲政體之妙用即在此焉蓋君主神聖不可侵犯此爲憲法上之原則則倫理自負責任則在立憲之事實必爲君主所歸而日本憲法明定國務大臣有輔弼天皇之責

任而一切命令均副署焉蓋不明定於憲法則責任不能專責任不能專者政府卽不能成立而在上或不免專斷之失而在下者更難免委卸之心矣且國務大臣雖爲輔弼君主之重臣而君主毫不受其拘束英國議院政治也而凡內閣決議之事一切均須上奏美國分權政治也而任免大臣之權仍操於大統領之手比利時憲法純爲民定而比王對於憲法上所定大權範圍之內尙得自由行其方針如國防也海外貿易也殖民政策也皆自選英賢詢以大計而內閣向不與聞夫以議院政治分權政治之英法比等國其君主對於大臣猶有莫大之權而所謂大權政治之日本益可知矣日本之國務大臣不對議會而負責任乃對天皇而負責任大臣失政則天皇自由罷免之大臣奏事則天皇自由准駁之其所以異於專制國者則大臣若以天皇所下命令有背憲法不敢擔負責任可以拒其副署不經大臣之副署則天皇命令終不得施行此則所以防專制之弊者也雖然不經鳳閣鸞臺不得爲勅我國自古封還詔書及署紙尾之事已數見而不鮮史家皆傳爲美談明主亦樂其獻替可見中西制度不謀而同今日若設內閣不過復中書省之舊制而已豈有損君權於萬一哉此欽定可以存國體而鞏主權者三也大凡君主國體而取大權政治者其國會與民主國體取分權政治或君主國體而取議院政治者判然不同英國國會實握有立法司法行政之三權故有萬能議院之目名爲立憲實則國會專制之政治也如美如法如比利時亦皆以國會種種之權列諸憲法之上而有未曾列記者亦視爲國會固有之權蓋民

主國以主權在民故以代表人民之議會爲主權之主體而君主國則主權在君人民實居於客體雖以代表人民之國會亦不得不居於主權之客體焉且也歐洲各國其國會恒與君主立同等之地位共握有立法權者亦各有其歷史之關繫餘波流衍以至於今故君主與國會猶平分其立法之權利英國如是法美可知苟其國體向爲君主則國會之權限萬不能與君主相侔昔普魯士因預算案一事議院欲上奏彈劾政府普相俾斯麥揚言於議場曰國會苟以此上奏是要求普魯士王室舉其憲法上之權利讓於國會也此亦可以見普國國會之權限矣日本國會權限舍憲法上所規定者外別無他權其所定於憲法上者一則協贊立法權一則議決預算案其餘如上案如建議如受理請願雖屬國會之職權而其採納與否權在天皇非國會所得以要挾也法律案之提議國會雖亦有之而裁可仍聽之天皇至於改正憲法之權解釋憲法之權亦全操於天皇非國會所能置喙蓋天皇統治權之行使爲國會所參與者實不過法律與預算而已若夫開會閉會停會解散緊急命令獨立命令無一不屬於天皇之大權若非純粹欽定憲法安得有此世或有疑國會可以侵君主之權掣政府之肘者誠知其一而不知其二矣此欽定可以存國體而鞏主權者四也夫國家之不能無軍隊此其故亦無待煩言矣雖然軍隊之經營國家之經營也軍隊之行政國家之行政也行政之事屬於政府行政責任屬於國務大臣而國務大臣之職守與軍隊之目的乃常生扞格之勢何也國務大臣之職守以發達國民爲目的務在省其經費以

經國民之負擔而軍隊所需之經費則務在求多此扞格一也國務大臣之職守以力圖國內生產爲目

經國民之負擔而軍隊所需之經費則務在求多此其格一也國務大臣之職守以力圖國內生產爲目
二也抑國家事務無論大小其責任皆國務大臣負擔之而協贊預算之權亦專屬於國會此二者立憲
之大原則也今苟以軍隊行政權屬於國務大臣行政權之下則軍隊之勢力必有流於薄弱之憂如美
如法是其例也若以軍隊統帥權置諸國務大臣管轄之外苟其常備兵額漫無制限而預算所繫又安
能以責任委諸國務大臣故欲定兩者關繫之何如其問題實爲最困難矣查美國之制文武不分大統
領以文權統帥陸海軍陸海軍之將校亦皆文職其平時兵額不過六萬猶不及日本警察官之總數且
其兵爲義勇介於僱傭之間非視爲國民當盡之義務以是之故美之兵力最爲薄弱倘遇戰爭易敗難
勝其所恃無恐者則因財力雄厚雖經一二挫敗猶可以爲持久之謀法國自定共和政體以來軍隊之
權屬於行政權之下其大統領雖有統帥權常令陸海軍大臣當指揮之任於是統帥事務亦屬之國務
大臣故其軍人反對此等制度而國會則贊成之且恐國家多敗戰爭增長軍隊勢力以爲苟又有拿破
倫之雄主則難保不改弦易轍重其統帥之權以覆共和之政體也英國軍隊本屬王家自克林威爾內
閣以來乃以軍隊置諸國務大臣監督之下自古利米亞戰爭以後議院又有特設調查軍隊之委員於
是軍隊又間接而受議院之監督矣以上代國王統率之司令官猶須隸屬於國務大臣職權之下故層
層掣肘全失軍隊行動之自由要而言之英之憲法由於協定萬能國會常攬大權其統帥權之不能獨
立者實受議院之監督也若美若法民定憲法其用意更別有在日本之憲法欽定者也故其憲法第十

一條曰天皇統帥海陸軍第十二條曰天皇定陸海軍之編制及常備兵額第十三條曰天皇宣戰媾和及締結各種條約觀此三條則知日本軍隊統帥之權全握於天皇一人之手蓋以國家事務與統率事務互相獨立而使戴同一之首領以調和聯絡於兩者之間其軍隊之行政事務雖屬於國家事務而天皇則本爲國家之元首矣其軍隊之統帥事務不可以附麗於國務大臣也而天皇則實爲軍隊大元帥矣維持二者之權衡聯絡二者之關繫立於國家元首之地位則行其國家行政之大權立於軍隊大元帥之地位則行其軍隊統帥之大權而又恐文武兼裁力有未及於是置國務大臣樞密顧問以輔文治設軍事參議院陸軍參謀本部海軍軍令部以佐戎機本其萬乘無對之尊立於補助機關之上下則分途共治上則挈領提綱界限分明事權統一此其制度之善實爲各國所無日本之所以克強者全在乎是矣夫我朝兵制超越前古統帥之權本在皇帝而軍隊行政分寄之部臣疆臣不獨前代藩鎮之弊可以掃除卽日本憲法所謂天皇有統帥海陸軍大權者我列聖天錫智勇固已開之先例

矣自咸同軍興曾左胡岑諸臣督師勦匪而疆臣間掣其肘遂以兵權委之督撫其後遂成慣例循此以往則統帥權與行政必致兩相混淆蹈美法諸國之弊今若採隣邦之新制復列聖之成規收此

統帥之大權載諸欽定憲法則機關敏捷旣足徵武備之修帷幄運籌實可卜國防之固此欽定可以存國體而鞏主權者五也抑奴才尤有請者憲法者國家之根本法也是一言國家而皇帝亦包括在內故

歐洲各國凡關於皇室之事或詳定於憲法之內或不見於憲法之中此由國體不同故制定之法亦異日本參酌二者之間憲法第二條止載皇位繼承以皇男子孫之一語而繼承之法以皇室典範另詳之

歐洲各國凡關於皇室之事或詳定於憲法之內或不見於憲法之中此由國體不同故制定之法亦異日本參酌二者之間憲法第二條止載皇位繼承以皇男子孫之一語而繼承之法以皇室典範另詳之皇族之事以皇室令規定之蓋以皇位爲國家之主體亦卽憲法所由來不將皇位明定於憲法之中卽不能劃分皇室於國家之外其分於國家之外者所以保皇室之安甯其存於憲法之中者所以明國家之統緒故日本臣民對於皇室典範與日本憲法同視爲國家根本法者此也中國自禹湯以來已開家天下之局故國家之治亂卽爲皇室之安危日本國體舊與中國相同而其皇室未嘗改移者實以大權之不在君主及明治廢藩大權獨攬似乎可仍前例矣乃因內鑒於本國諸侯之興替外觀於各國皇室之永存毅然決然改從新制此其故可深長思矣 國家制定憲法則 皇室之事自應與憲法同時制定以爲國家之根本法或詳載於憲法之內或如日本另以皇室典範規定之非奴才所敢妄議惟茲事重大國本攸關擬請慎擇廷臣多設顧問又開皇族會議原本我 朝之家法參酌列國之新章損益因時折衷至當恭候我 皇太后 皇上欽定垂爲典要與憲法同尊則我 國家萬年有道之

長豈止比隆周漢也奴才身受

厚恩躬膺

寵命簡書在畏本未敢以懷歸邦國所覘亦有聞而

必錄情既通乎彼已事每較其短長確知非實行立憲無以弭內憂亦無以消外患非欽定憲法無以固國本而安皇室亦無以存國體而鞏主權大權政治不可不仿行 皇室典章不可不并重夫難得而

易失者時也一動而莫止者勢也東流濯足轉瞬已無前水之存厝火積薪頃刻而兆燎原之勢苟其優柔而未斷必致後悔之難追見六鷁於宋都知風宜避聽杜鵑於橋上審變須防親征納寇準之言惟斷

奏平淮之績自古中興之業咸經百難而成故錯節盤根良斧不憂大木櫛風沐雨危邦乃出 明王
伏願我 皇太后 皇上鑒此國家多難之時期深維 祖 宗創業之匪易大施

英斷咸與維新措天下於治安與黎民而更始則他日者撫茲臣庶千秋慶 玉牒之長還我汶

陽萬里見金甌之固江山錦繡五原無窺塞之胡海水不波中國有 聖人之治矣所有奴才考察日

本憲政情形恭摺具陳伏乞 皇太后 皇上聖鑒謹 奏光緒三十四年七月十一日奉

旨憲政編查館知道欽此

調查局詳暫擬表式文並批

爲附詳事竊照職局統計各事項應遵憲政編查館頒定表式按照填送業經另詳請咨頒發表式遵辦
在案惟表式現未奉到職局僅就文牘調查各處多未具覆卽間有覆到者參差掛漏亦復難於編輯查
日本統計調查均先從府縣郡市町村入手誠以一人一事一物無在不統於府縣區域之內自當以府
縣爲調查之基礎今擬本編查館原奏所指統計八項曰外交曰民政曰財政曰教育曰軍政曰司法曰
實業曰交通暫先擬定表式分各府州縣俾有所憑藉尅期查明填送不致日久不覆使職局無可爲采
輯之資而就原奏八項列表行查亦稍免參差掛漏之病以八項爲綱作爲總表而一綱之中有多數子
目總表所未能載者別作專表專表所未能盡者別作分表或各表仍難詳載另紙詳叙作爲備考其事

理如仍有未能明晰者再由職局隨時補行調查其於編查館由疏至密法爲存真之意現值開辦
之始先行擬表爲編查館之預備以州縣爲起點既略伊日本郡市致送目錄稍變其體亦取於編查館

理如仍有未能明晰者再由職局隨時補行調查實斷合於編查館由疏至密法爲存真之意現值開辦之始先行擬表爲編查館之預備以州縣爲起點既略仿日本郡市致送目錄稍變其體亦取於編查館原奏大旨不甚相悖非敢妄有造作一俟編查館表式頒到再令按照詳細填送自可愈臻完密矣所有館表未經奉到以前暫行先擬預備表式分行各府州縣遵辦緣由是否有當理合將所擬表式附詳費請憲台鑒核批示祇遵再此外各署局所亦應酌擬表式調查以備稽考應俟此案奉到憲批核准後再行分別擬定合併陳明

督帥批 據詳已悉查該局統計各事項現在憲政編查館表式未經頒到咨行該道等擬就原奏所指統計八項暫先擬定表式分發各府州縣尅期查填藉爲采輯之資所擬表式分爲總表專表分表尙屬周妥應卽由局刊刷先行頒發其表式不能詳載之事並飭另紙詳叙作爲備考仍俟憲政編查館表式頒到再行報照詳細填送仰卽遵照此繳表式存

調查局請以自治局畢業學員派管本地方統計處稟 並批

敬稟者竊職道等過蒙知遇委辦憲政調查事宜材幹任重深懼弗勝自開辦以來督同科長股員將應行調查等件分別緩急次第行查辦理略有眉目惟是事當創始既無成例之可循法重更新要貴考求之悉當况調查之件屬於地方行政者居多而各州縣以一人之身應簿書錢穀之任黽勉從事已覺竭蹶不遑今復責以調查恐瞠目而莫識其端惶惑而不知所對非敷衍粉飾卽擱置不理間有一二奉公維謹之員仍不能不假手幕友而所謂幕友者又未必盡通法政徒煩文告成績難期憲政實行更復何

望殊違憲台立局之本意抑豈

朝廷圖治之盛心職道等每念及此焦灼難名伏查通行奏定章程

第十二條所有編制事項由本省督撫札飭府廳州縣就近派員調查其統計事項各衙門添設統計處選派專員統將承辦各事彙送調查局等語是府廳州縣本應設立統計處及就近派員調查切實經理與職局銜接一氣方能收指臂相聯之效此項人員定章雖未明言具何資格要非通知時務研究法政學人難期勝任職道等深維本末一再籌思欲多得調查之員必先有養成之法所用卽其所習治法尤賴治人政無論夫新舊未有不學而能者也第另行設所教育不惟目下無此財力且亦難得師資竊見江甯自治局附設地方自治研究所先於江甯府屬每屬選送六人由本地方籌給學費以六個月爲期當蒙憲台批行該所學員卒業後應各回籍盡本地方義務組織自治學社爲議會之預備等因在案憲政調查實爲地方自治之造端自治研究所學科又與調查資格相脗合與其畢業回籍但責以結社演講之虛文何如由各府廳州縣派任統計就近調查實一舉而兩得更事半功倍以目前而論學社議會均須由該管州縣監督卽可以統計處爲總部機關甯屬七縣頭起畢業四十餘人可資爲二十州縣之用以後各屬陸續選送造就益宏而人才不可勝用矣如蒙甄採伏乞飭下自治局詳細核議移會職局詳辦並通行各屬遵照多派來省加班研究以爲該處統計之儲才抑職道等尤有請者近年各州縣爲錢價所困大抵人不敷出今又遵設統計處經費無出虧貼難支此次調查本爲預備立憲應否奏請

准其作正開銷抑仍令就地籌款以應要需伏候鈞裁所有職道等請以自治學員畢業回籍試辦調查

緣由理合稟祈批示祇遵

督帥批 憲政以自治爲造端而自治必從調查入手是自治與調查事理本相聯屬來稟擬請以自治研究所學員於畢業後派令回籍分任各州縣統計處事以本地之人才研究本地之利弊調查既少隔闕自治亦有據依且可杜講演之虛文省育才之糜費所議均確有見地仰候札飭自治局會同該局詳議辦法稟候核奪所有各州縣增設統計處需用經費應俟遍設後體察情形斟酌辦理此時暫緩置議繳

江南自治局詳擬呈實地調查所總章請示文并批

爲詳請事竊照職局詳送開辦自治簡章聲明附設實地調查所業奉憲台批准在案伏查自治爲憲政根本而調查實爲自治之關鍵惟是實地調查範圍至廣節目繁多若果同時舉辦非特經費難籌人才亦虞缺乏職道等公同商酌先行擬具調查所總章以爲辦事之準的至目前實行之次第擬先從調查元甯兩縣戶籍入手劃分區域爲選舉張本其餘各項調查節目應俟養成會成立人才足用經費有著再行次第舉辦庶無鹵莽滅裂苟且塞責之弊謹將酌擬調查總章呈請憲台核定其調查戶籍一項詳細章程暨需用經費應俟奉到憲批後卽行續擬詳呈尅日開辦是否有當理合繕冊具文詳送仰祈鑒核示遵實爲公便

督帥批 據詳已悉察閱所擬實地調查所總章均屬妥協應准照辦另稟實地調查所辦事員卽以自

治局調查課課長課員兼理係爲節省經費起見自應一併照准仰卽督飭在事員紳切實舉辦務求實際以爲漸次推廣地步仍候撫部院批示繳册存

各省要聞彙誌

江甯 ●禁煙大臣以各屬城市煙館現雖禁閉而鄉僻各處訪聞仍有私行售賣燈吸殊與禁煙前途大有關碍督憲端午帥接准來咨業已轉札各司道責成各地方官勒限奉文到一月內務將鄉僻各處陽奉陰違私售燈吸之戶一律封閉提案究辦如不實力查禁以後查出定當從嚴參處

江蘇 ●蘇省自治局成立後屢經官紳集議除開井浚河外擬調查戶口以清戶籍刻議先從省垣查起分城廂內外爲十一路已委巡檢杜宗瓚陳崇實查中路巡檢許文菁典史章仲英查西路主簿文慶嵩查南路巡檢皮錫琛縣丞張元燮章恭樾查北路直州同余祖昭查葑門外縣丞杜紹甫查齊門外

安徽 ●皖省大吏以法政紳班學生業已畢業然地方自治事在必行惟自治章程應若何完善法政宜如注意設不先期研究明晰難免臨事張皇特委法政提調錫太守庚前赴京師調查以便將來實行自治 ●巡警道卞觀察以警政現當改良伊始表面雖有可觀究其內容一切事宜尙未完備因札派行政副課長趙灼熙等前赴江鄂兩省調查警務規則來皖以便參酌變通藉資整頓

度支部奏議覆江蘇學費擬於鹽斤加價勻付摺

奏爲遵

旨議奏恭摺仰祈

聖鑒事內閣抄出江蘇巡撫陳啓泰奏學費無款可

籌仍懇准撥關稅一摺光緒三十四年六月十七日奉

硃批該部議奏欽此欽遵到

部原奏內稱蘇省前因學費無款可籌經升任撫臣陳夔龍奏請仍准動撥關稅准度支部議覆准於蘇滬鎮三關六成稅款項下暫行支給嗣後不得再行動支等因轉行遵照去後茲據蘇州提學使毛慶蕃詳稱蘇省學費請撥關稅銀八萬餘兩上年奉部准撥得以隨時應付本年所需數又過之一經停解仰屋旁皇近年司局各庫籌解原認之學費已屬萬分竭蹶其捐之農民貨商者幾於無物不捐何能再派前請蘇滬鎮三關稅款部議不得再行動支固知關係餉源亦恐他省援例惟是蘇省學堂設立最多出洋游學亦最衆迥非他省可比仍懇每年照撥蘇滬鎮三關銀八萬五千兩以濟急需等情竊維關稅固餉源所繫學費亦正用所關該司所陳各節委係實情懇請

飭部照撥等語臣

等伏查興學需款各省所同而籌邊經武一切要政仰給於臣部者不止一端並不止一省全恃關稅以爲挹注是以上年臣部於該省督撫奏撥甯蘇學務用款各案內逐款核

明分別緩急議令將關稅一項專供部撥要需不得徑由本省提用奏准遵行在案嗣據該撫陳夔龍一再籲陳蘇滬鎮三關春季經費已經報解始准於六成稅款項下按照八萬五千兩之數暫行支給已屬格外通融該省卽應將本年學費自行切實預籌方爲正辦今該撫乃援案臨時陳請竟視關稅爲常年的款查前次江甯學務無著銀三十九萬九千三百餘兩據兩江督臣端方奏請於藩庫各款作正開銷業經臣部議駁况關稅爲餉源所繫現在鎊價日增稅收漸減各關原定撥款已有不敷之慮而新案待撥者尙難預計若再將本省應籌之項率行照案通融則撥付必愈形棘手臣等公同商酌吳中本爲財賦之區今年鹽餉加價亦有劃出成數留歸各省自用該省所需學費卽可於應得加價款內勻出應付不得再動蘇滬鎮等關稅款致礙部撥要需如蒙 俞允卽由臣部行知江蘇巡撫遵照辦理以符原案所有臣等遵議緣由理合恭摺具陳伏乞

皇太后

皇上聖鑒謹

奏光緒三十四年七月十七日奉

旨依議欽此

學部咨覆禮部考試優拔及保送舉貢並分別學生與考文

爲咨覆事准禮部片開光緒三十一年八月升任直隸總督袁世凱等奏請停科舉摺內聲明舊學應舉之寒儒宜籌出路擬請十年三科之內各省應貢照舊與已酉科成貢亦照舊

中考取其已入學堂者照章不准應考又二十二年二月政務處奏准章程內開擬請已酉科舉行拔貢

中考取其已入學堂者照章不准應考又三十一年二月政務處奏准章程內開擬請已酉科舉行拔貢照向額加倍考取本年丙午卽係考取優貢之年以後每三年舉行一次各省均照例額加四倍考取以惠寒峻均於壬子年一律停止學堂學生仍照原奏不准與考又三十三年十月准雲貴總督咨稱查學部官報第四期文牘載有本部咨政務處擬如閩督所請速成簡易各生一律考試優拔辦理持平是速成法政畢業生員與簡易師範畢業生員例得考試優拔又查滇省上年保送舉貢赴京考試既有游學日本速成師範畢業之舉人又有曾入法政學堂尙未畢業之舉貢等是曾學法政之舉貢例得與曾學速成簡易各師範之舉貢同膺保送擬請此後已酉壬子兩屆保送舉貢及錄取優拔職員遇有法政講習科畢業之舉貢生員或法政別科畢業之舉貢生員必儘先保送儘先取錄通省舉貢生員必有聞風興起爭入法政講習科及別科者爲此分咨學部禮部立案示復各等因前來查例開拔貢每十二年一舉行由國子監題請 旨下行各省學政考選等語現在國子監歸併貴部並由貴部會同本部奏明劃定考試界限舊學舉貢生員應歸本部辦理明年已酉各省應考選優拔由本部先期具奏 旨下行知各省督撫轉飭提學使考選除由學堂出身之廩增附生及舊學廩增附生已由學堂得有獎叙者均照章不准考試外查法政學堂之設立係在奏定章程以後凡入講習科及別科者畢業後均未定有獎勵應否與法政速成科師範簡易科畢業生均准其考試優拔及保送舉貢既已分咨貴部希卽酌核賜覆此外入何項學堂人員准其與考應一併詳細查明聲覆過部以憑辦理等因查法政學堂別科三

年畢業法政講習科畢業年限多至一年半而止現在本部正擬另定別科講習科獎勵章程應俟具奏奉旨後再行知照禮部核辦至師範簡易科約分二種一爲二年以上之簡易科一爲不足二年之簡易科查二年以上之簡易科最優等優等定有獎勵專章且有義務年限亦難准其與考惟中等以下以及不足二年者均未定有獎勵專章自應與速成科學生一律辦理准其考試至各項學堂畢業考列下等者除中學堂下等仍給予優廩生得有獎勵外其餘各項學堂有係舊日舉貢生員在本學堂考列下等並未得有獎勵且實係未升入程度較高學堂肄業者應准其一律與考以昭公允相應咨行貴部查照辦理可也須至咨者

學部通咨各省各項學堂皆歸提學使管轄考核文

爲通行事查照前後奏定學堂各項章程凡各項學堂皆應歸提學使管轄考核歷經奉旨允准欽

遵在案前此本部因分科大學將次設立亟應調取各高等學堂法政學堂高等實業學堂以及各項高等專門學堂各本科歷期歷年各學科講義由各提學司彙齊送部察核以立分科大學之基等因通行各省在案茲據奉天提學司呈稱案奉學部札開前因遵查奉省現時尙未設有高等學堂其方言學堂開辦僅一學期課程係遵照奏定章程於外國文外兼習普通須俟二年以後始兼習專門各科屆時再按高等辦理至法政學堂係由督撫憲派參贊爲監督並另派專員爲副監督不歸本司管轄講義向未

錄送此外森林農業各校均經延有東西洋專門教員教授各課雖名目較高均隸於勸業道管轄其中

錄送此外森林農業各校均經延有東西洋專門教員教授各課雖名目較高均隸於勸業道管轄其中一切課程講義本司亦無從深悉茲奉前因除咨左參贊勸業道請遵飭辦理外理合呈覆查核等因到部查法政學堂亦屬專門學堂之一種光緒三十二年四月二十日本部奏准學務官制並辦事權限章程內開專門課掌理本省高等學堂及各種專門學堂教課規程設備規則及關於管理員教員學生等一切事務等語是法政學堂之教課設備及用人管理諸事皆在提學司權限之內不應另派參贊或藩臬司專管致違定章至森林農業各校亦統括於實業學堂之內上年十二月十八日本部會同農工商部議奏貴州開辦農工商總局以興實業一摺內開該省擬設之農林學堂試驗場藝徒學堂應由農工商局隨時督飭考求表列成績遵章呈報農工商部以符職掌至所有教課規程設備規則關乎管理員教員學生等一切事務及將來畢業考試事宜自應由承辦各員稟承提學使司酌核辦理並由該提學司隨時認真督察詳報學部以符定章等因奉 旨依議在案是森林農業各校管理員教員學生等一切規則本爲提學司職守所關斷難置之不問茲據奉天提學司來呈所稱實與迭次奏章不符除咨行東三省總督并飭行該提學使司遵照奏定章程辦理外亟應重申定章通咨各省並飭飭各提學使司凡關於專門教育實業教育之學堂事務皆當責成提學使司管理不得因設立學堂之經費籌自他處或學生畢業後應歸他處任用遂將該學堂管理之權劃歸他處庶與定章相符以收教育統一之效相應通行各省查照辦理可也須至咨者

督憲端札甯藩學司文 一爲嗣後派員赴東游歷按定月分人數開班聽講事

爲札飭事准學部咨開專門司案呈准使日大臣函開各省所派游歷官屬於考察政治者居多凡官署學校警察銀行鐵道會社以及工廠農場水道陸軍幾於無項不往參觀而本無專門之學於方言復多隔闕求其實有所得者殊不多觀積年以來在彼邦旣憚招待之煩在本人亦幾奉行故事有名無實查日本法政大學專攻科附有特設部一班講解期間可以三四月爲限最便游歷官之聽講擬仿直隸省遣派自治員聽講之法請貴部通咨各省此後如派員游歷每年須分二二二九十四個月爲到東之期本署總核人數如在三十人以上卽請該校開班講解講畢再往參觀似較有裨實際等因准此查近日給咨赴日遊歷官紳日見其多參差東渡殊欠整齊茲准使日大臣擬請仿照直隸遣派自治員聽講辦法每年分二二二九十四個月爲到東之期由使日大臣總核人數如在三十人以上卽請法政大學特設部開班講解講畢再往參觀各節意在使游歷各員先明學理再從事於考察庶幾各員於游歷時較得實際自應一體照辦除咨覆使日大臣外相應咨行貴督請煩查照施行等因到本部堂准此查現在到東考察人員趾踵相錯實已紛冗無紀前因出使日本大臣咨稱游歷人員往往預訂參觀日期屆期失約時有所聞以致彼人疏於接待應由原派此項人員地方預爲誥誡業已通飭遵行藉警將來此次部定游歷人員新章係爲尊重國體起見蓋考察一職關係至重苟非稍明法理於其風俗習慣暨所有官廳會社學校之性質略事研究則一切動作皆足貽笑外人事關國體邦交自應亟予整頓爲此札飭札到

上海科學儀器館總理虞輝祖以自製儀器懇恩提倡上督憲稟并批

竊職以我國學人不尙理科之學亦無科學之器因是各種學業皆無進步乃於辛丑冬間出與同學數人籌集資本創設科學儀器館於上海風氣漸開購者寔廣則又以爲應用儀器既屬繁多若終古仰給外來則與一種科學卽增一種漏卮供求既不相當依賴何以自立因議在滬設廠自行製造參歷史遺傳之性質集科學適用之資料製器尙象探蹟索隱經年累月稍收成效嗣於乙巳春間將自製儀器呈請商部檢驗荷蒙 奏獎咨行在案惟時因創造伊始凡所呈祇聲光電重各種物理器若博物學應用模型及標本并一切校具等迄今時閱四年乃始有苟完之日蓋於丙午年復在鄉間設製作所製人體骨骼及耳目腑臟等爲生理學應用模型採製鳥獸昆蟲爲動物標本其軟體腔腸產於海中者則附漁業公司福海輪船以撈取之至植物一門既製成普通及食用藥用纖維救荒各標本而分科定名或有未審用寄東瀛就松村博士查鑒博士頗訝謂非我華人所能爲因願列名爲鑑定員若礦物一門曾經具稟農工商部請領各省送部呈驗確質以便製成礦物標本通行國中此外則又製有風琴地球規尺粉筆等多種當初議製造時尙恐徒屬形似而於學理有碍既具模範又窺機要幾經審量乃克有成方岑宮保督粵時札委專員來廠考驗近復蒙江蘇毛提學憲親蒞廠中試驗種種校具荷蒙嘉許并擬獎給匠首以資激勵至所用藝徒則多取之小學校卒業生通州張季直殿撰崇明王丹揆廉訪皆派令生徒來廠學習廠中復設夜學校以教導之俾習其器而漸通其意也竊聞方今日本尋常小學增爲六年

添課理化應用儀器驟增多數此後必無有以上等校具供我國之求者且固未嘗有以上者供我國之求也其間或有美善之品則多來自歐西即彼國目錄中所云舶來者其進口稅則既昂而復展轉輸之中國則其價之益昂可想而知今將可造者自造既收致曲有誠之功而尙有一時未能遽造者乃直接購之歐美是誠較之採販東洋爲便利矣茲幸逢我大帥重蒞三江總羅萬有轍環西北砥柱東南上探四千餘年石器刻象之遺近開二十世紀理化博物之幕前者江甯省城創設商品陳列所當道諸公仰承憲意購取職館自製理化器械等件陳列所中當時帥節親臨備蒙獎許同人研究益形踴躍爲此具稟續行選呈全體剖面模型心模型植物標本發電機等四種仰懇憲恩俯賜提倡并乞分咨安徽江蘇江西撫院飭屬將學堂應用理化器械博物標本及一切校具等准予分別購用職館自製之品庶灌輸益廣而製作愈精舉凡應用儀器無復仰給外來似較有裨學界此誠不獨區區職館之私幸矣再當職館創設時卽附設理科講習所廣招有志理科之士開講理化博物在滬計開六屆由是傳播稍徧東南旋復推行內地奉天桂林等偏遠之區曾經設立理科講習分所先後皆稟呈有案蓋意欲藉是得有多數中小學校理科教員以冀所造儀器取用者不患無人由是目驗良否益使學界信用則向所謂東品不如西品中品又不如東品之說誠目論不足憑也茲將歷年籌辦大略情形繕稟瀝陳伏乞憲台俯鑒爲學務實區區之忱提倡而推廣之實爲德便再南洋勸業會業奉憲諭開辦以爲他日內國勸業博覽會

天津教育品製造廠見所造亦不少數職廠設立較早將及十載故物品亦尙完備茲幸躬逢盛會自

觀天津教育品製造廠見所造亦不少數職廠設立較早將及十載故物品亦尙完備茲幸躬逢盛會自應加意製造豫備陳列以期仰副憲台提倡教育推廣實業之至意於萬一合併聲明

督帥批 查自興辦學堂以來所有各科學應用器件全屬取資外洋歷年輸出款項爲數至鉅將來教育發達輸出之數亦必日多一日即間有自謀製造之方期爲抵制之策究之物不足以行遠學不足以窺微成績杳然同歸失敗本部堂頗願從事提倡以見小欲速之流難與語此懷此願者久矣上海科學儀器館自該紳創辦以來從學理入手造端閱遠迥異時流比文類別漸多信用日著有此基礎大可擴充將仿造東洋各種既精益求精由歐美輸入之品亦孳求與贖薪於大成則於學界既大有裨益而所以杜無形之漏卮者亦將在是事關大局屬望殊殷稟述歷年辦理情形并附設理科講習所推行至奉天桂林等情具見循序漸進經畫有方成效昭然良堪嘉許所請分咨安蘇西撫院飭屬購用及將來南洋勸業會開辦後將該館製造各品陳列會中各節均應照准仍望該紳力求進步不讓人先以淪民智而挽利權是爲至要除分咨外仰即遵照摺及呈件併存

各省要聞彙誌

江甯 ●甯垣四象橋法政學館係由江蘇候補知府江漢珊太守等所組織與陶君保晉創辦之法政講習所先後稟准督學兩憲成立法政學館二班學生已於今夏考驗畢業現因有志肄業憲法前來報名者極爲踴躍爰宣布廣告招收第三班學生一應規則悉遵前定其報名已於八月十五日截止

江蘇 ●商會總理尤紳先甲等近稟各大憲以蘇地商務日盛非亟設實業學堂不足以養成商界人材當奉學司批准詳明撫憲撥官款興建並以府學後面學基曠地頗多特札飭府儒學龔廣文親往丈勘劃出一二十畝爲建造學堂之用

安徽 ●巡檢楊才達具稟學署條陳學務辦法奉批查該員陳論侃侃甚屬可嘉惟條具各節尙有須待商榷者初等小學以前有蒙養院家庭教育法此定章所載誠探本之要圖至今日情弊各屬舉辦初等小學已苦多方困難若再於初等小學外增設蒙養院令四歲以上未屆學齡之童穉盡入院受學恐非今日風氣閉塞之時所能驟致惟冀女學漸興保姆幼穉園以次遞設乃可望耳至教員之分正副定章本有明文學舍取之寺觀祠宇經費抽提公款開款亦係各屬現行辦法均毋庸籌及統計立表之法現於學務公所設統計處卽爲全省學務總匯之區各屬造立表冊務使整齊劃一卽爲統計基礎事在必行與該員所陳頗相符合至謂辦事在能得人經理得人則無侵蝕之弊教員得人則無曠廢之弊視學得人則無循例生事之弊言之慨然足徵留心學務洞悉世情本司當隨時斟酌以期取効於後也

江西 ●洪都中學堂支應委員李某侵吞巨款現被監督查出稟請學司澈底查辦李某願將三眼井新造房屋一所變價抵償(約值一千二百兩)惟不敷尙鉅林學使責令呈繳五千兩如敢抗延交

江督端奏南洋測繪學堂兼地形測量辦理大概情形並開辦三角測量摺

奏爲報明南洋測繪學堂兼地形測量辦理大概情形並開辦三角測量日期恭摺仰祈
聖鑒事竊維地圖爲行軍之要需而測繪實地圖之根本江南測繪學堂之設經始
於三十一年九月其時前督臣周馥議辦第九鎮新軍籌及野外演習宜有詳細地圖指
畫教授飭由參謀處詳定章程設立測繪學堂招選已畢業普通學者爲學生延聘日本
專門技師三人分授功課課分三股一曰三角二曰地形三曰製圖三股復別爲兩科專
習一股者爲尋常科並習三股者爲高等科尋常科限一年半畢業高等科限四年畢業
開辦之初學生皆專習一股是以高等科尙未有人計各股學生習三角者二十人習地
形者三十七人習製圖者二十七人同時附設實地測量司借用將弁陸師兩堂畢業學
生充測量人員專辦地形測量定議先就本省險要區域測繪成圖以便軍隊演習之用
此開辦之大略情形也奴才到任後以各國測繪之法無不從三角網入手專用地形測
量萬難精確爰委留學日本士官學校畢業生吳茂節爲總辦責令設法擴充其時適准
前練兵處咨催各省略圖聲明各省祇專辦地形測量無庸採用三角以期速成等因復

經奴才一再咨商以江南地勢崎嶇專用地形測量差積不免太甚始經允准採用三四等三角網法查江蘇全省面積約三十萬一千五百四十七平方里以採用第三等三角網成法推之每距二千五百米達之遠設一標點全省共應設三萬七千點有奇費鉅工大人才亦不敷用當議定先測全省地域十分之一計應設三千七百點有奇爰於三十三年九月開辦是時測繪學堂尋常生已於是年三月畢業三股共得畢業生八十四人附設之實地測量司已出圖五十餘張足供軍隊演習並經陸續咨部有案當飭令測繪學堂另招新生百名接續辦理一面將原辦之地形測量停止所有前充實地測量司人員連同畢業生八十四人悉以之分配三角地形製圖三股另添聘日本三角技師一名以資督率當經勘定區域以江甯省城爲起點由江甯府屬之上元江甯渡江經過六合句容及揚州府屬之江都甘泉儀徵泰州鎮江府屬之丹徒丹陽金壇常州府屬之陽湖武進通州州屬之泰興是爲第一區先以三角股設立標點濟以地形股實測繪地形製圖股繪製成圖約期三年當可竣事計自上年開辦至今所有已測過地段爲江甯六合儀徵江都甘泉五縣以上皆奴才到任後規畫之大畧情形也惟其中辦法尙有應行聲明更定變通之處查本年正月准陸軍部頒發測繪學堂章程令各省一律遵辦查核本

明更定變通之處查本年正月准陸軍部頒發測繪學堂章程令各省一律遵辦查核本

省測繪與部章程有異同前准咨部有案委因本省開辦在前部章奉發在後本應即時
遵改惟新生百名已經歷第一學期閱一年即當畢業功課時期分配已定半途改轍窒
碍殊多擬請俟此項新生畢業以後再行改照新章辦理此應陳明者一也又本年四月
復准部咨以前練兵處原定三角測量及製圖兩項歸中央舉辦外省祇應專辦地形測
量一節改爲各省分辦之法陸軍部專任順屬兼籌內外蒙古辦法各省於省會自立基
點將三角地形兩種分令自辦一切條教規則由部主持並頒發速成三角測量及水準
測量暫行規則等因查規則內開三角測量之法分爲第一第二第三三種其第二種三
角測量各點距離平均以二吉羅米達爲度與本省所採用之三等三角平均距離之點
以二千五百米達爲度者不甚懸殊據本省豫算照三等三角網法測量江蘇全省地域
所需經費祇標點材料一項已需銀二十萬兩教育及臨時經費尙不在內部章令各省
遵辦第一第二第三三種三角爲網羅全國地圖之計自應取高掌遠蹠之規以期永立
根基昭茲來許惟三角之法蹟奧無窮等級愈高則學理愈進人才愈益難得推之儀器
材料各種用款以第二種較之三種其用數倍以第一種較之二種其費益不貲各省度
支奇絀當無異於南洋南洋纔辦一第三種之三角已屬竭蹶不遑若進而更辦第一第

一二兩種萬萬無此財力南洋如此他省可知且第一第二兩種三角之布設期於統全國區域一氣呵成若由各省各定基點一則沿邊之綫必多畸零聯合之區多糜標點奴才愚見地形測量宜令各省分辦第一第二第三三種三角測量宜令數省合辦合辦蓋有數利第一合數省之區域聯爲一氣則畸零少而合易第二合數省之財力則衆擎易舉第三祇需主任省分講求三角課程亦祇需主任之一省購辦三角儀器則糜費者少否則舉三角測量責令各省獨任分辦斷斷無此財力卽間有規模較大之省竭力奉行亦恐得一二而遺八九奴才此議如蒙

聖明採擇擬請

飭部將全圖區域共分爲

若干組或三四省爲一組或四五省爲一組全國共分若干組所有三角測量亦定爲若干組每組酌定以某一省爲主任之省以某某數省爲附屬之省主任者握測量全組之權附屬者擔協濟經費之責明定章程限期舉辦容或易於蒞事奴才一得之愚兼爲江南度支奇絀斷非獨力能支此不得不陳明者二也至前項所需經費當測繪學堂並實地測量司開辦之初由前督臣周馥撥過開辦費銀五千兩復核定常年經費每月銀二千兩嗣因實行製圖購辦機器專司印刷又加撥常年經費每月銀一千八百兩上年開

辦三角測量經費才發給開辦費銀二萬兩又核加常年經費每月銀二千兩又因添購

度支部查照外所有南洋設立測繪學堂辦法並遵辦三角測量籌議緣由理合恭摺具

奏伏乞

皇太后

皇上聖鑒訓示謹

奏光緒三十四年七月十六日奉

硃批陸軍部議奏欽此

補錄督憲端檢閱陸軍命令

本督辦爲整飭戎行起見特於陸軍部未行奏請

簡派點驗大臣之先由八月初二日起按日親蒞

各標營躬自檢閱以昭鄭重所有受驗各標營官長目兵務各按照考驗順序振刷精神嚴重整備毋得凌亂差池稍形懈弛事關軍國其各勗旃

按日分往各標考驗順序及其細則

每日由八時至午後四時之間 (甲) 點名閱兵約二小時 (乙) 考驗場操約一小時以各標操

場大小不同之故臨時出隊多寡由督辦按營抽調 (丙) 考驗官佐學科約一小時軍官以戰術命

題軍佐分別職任以分內勤務命題軍官自管帶至司務長與考 (丁) 考驗籌備及內務約二小時

營房倉庫馬匹軍械軍裝軍需材料器具人馬衛生每項考驗既畢約歇息半小時

本督辦此次預行考驗第九鎮所有考驗隨員之分配及其所擔責任經本督辦派定如左

考驗隨員之分配及其擔任 一參議 舒總參議清阿許總辦葆英章總辦亮元沈參議官尙灑王參

議官鳳文 參議訓示命令講評彙輯報告及一切重要事宜並自帶司書二員襄理承發訓示命令
二各種兵考驗員 步隊初二初三初八初十等日丁幫辦鴻飛莊幫辦諤東提調日璐騰提調璧 馬
隊初五日留德畢業生繆慶禧曹科員紀泰 礮隊初六日許總辦葆英留德畢業生劉祖堯 工程初
七日柯提調佐清曾提調通 輜重初七日留德畢業生繆慶禧倪謙 擔任考查教育程度核定成績
編纂報告事宜凡分配各員須各按時日分赴各標營非其擔任門類卽毋庸前往 三籌備及內務考
驗員 營房倉庫章總辦亮元 軍裝軍需材料器具程幫辦于青張文案超凡黃委員傳文錢委員志
仁 軍械吳提調春康張提調齊名 馬匹游管帶捷 人馬衛生左提調起慶梁教員國棟 四日記
員 張文案修祐高司書春捷黃差遣瑞蘭記載督辦訓示命令及記錄考驗日記等事 以上各員無
論考驗何標均須前往

本督辦此次預行考驗所有派定各員應行注意之件如左 (一甲)各兵種考驗員注意之件 考驗
操場各將校指揮是否按照各兵種暫行操法一一昭合 目兵動作是否整齊活潑能否悉應官長指
揮進退合度操場軍紀更應注意 考驗官長學科須察其答解問題能否得其要領是否按題敷衍抑
係獨有心得以覘其平時研究之程度 考驗時間約一小時之久所發問題至少以二題爲率此項問
題須由各考驗員預行擬就臨時呈由本督辦圈定發布 (乙)考驗籌備及內務各員注意之件

營房倉庫一切位置管理保存等事是否整齊清潔有無妨礙衛生 馬匹體格是否健碩口齒是否及

營房倉庫一切位置管理保存等事是不合整齊清潔無妨衛生 馬匹棧格是不合健碩口齒是否及

格喂養是否得宜使用是否合度製糖是否適用 軍械擦洗保存是否勤慎零件有無損壞子藥存儲能否不受潮濕有無危險 軍裝軍需材料器具軍械等事所包至廣非一名一物之可盡須遇事考求觸物研究勿任遺漏是爲至要 人馬衛生病室是否清潔醫兵看護是否合法軍醫軍馬所醫過之病案須檢齊調查以參觀其脈案藥品有無失檢不合之弊

憲兵司令部詳復練習所畢業生赴部考驗文並批

爲詳復事竊職部詳請咨送憲兵練習所將校科畢業學生赴陸軍部考驗一案頃奉憲台批開此案已據詳電咨陸軍部請定該畢業生赴部考驗日期茲准覆電憲兵練習所將校科未經咨部立案希將該科章程辦法暨所習學術各項程度先行詳晰咨部查核再行酌定等因仰即查照來電所指各節另具妥詳請咨立案一面請定考驗日期以憑併案辦理等因奉此伏查甯垣籌辦憲兵始於三十二年六月徵巡交闕之際臨時創設蒙前署督憲周檄委職道兼充憲兵司令官數日而編成所有憲兵并非學而後用不過於勤務之暇授以憲兵職務上必要之學術及警察規條而已嗣恐其倉猝編制不足爲軍隊之表率於三十三年正月詳請憲兵參照日本辦法增設憲兵練習所一區計分兩科一日將校科二日弁兵科皆以四十人爲定額創辦之始憲兵將校缺乏乃先設將校科以扣足一年爲畢業此班畢業後將校科卽行停辦專辦弁兵科爲原充憲兵者輪流入學之所以期凡充憲兵者無人不知必要之學術業經職道會同教練處詳准在案所有練習所將校科是於三十三年四月內開辦監督教習各員均遵

選留學日本專科畢業生充當軍需庶務各員則由憲兵司令部軍佐兼充藉節經費核計每月開支僅領銀六百八十兩而薪水火食雜支服裝等費均包括在內此外并無活支之款此憲兵練習所之大略辦法也至學術各項課程亦係仿照日本憲兵練習所之課程其關於憲兵之課程曰軍事警察曰各國憲兵沿革史曰意大利憲兵條例曰軍事學曰偵探學其關於陸軍法律之課程曰戰時國際公法曰陸海軍刑法及治罪法曰陸軍監獄其關於一般法律之課程曰法學通論曰憲法曰刑法曰警察學曰行政法其關於普通學之課程曰地理學曰算學曰衛生學曰測圖學術科則有馬操步操體操劍術等項而於我國之技藝亦經擇要教授務使於捕拏人犯之時可以得力統計一年兩月以來各教習尙能認真教授本年五月畢業由職道會同教練處考驗諸生成績較優者頗不乏人惟武器馬匠皆由憲兵支部撥借所內未經置辦故術科稍遜於學科然亦堪備憲兵之用現在將校科既經畢業擬懇憲台俯准咨請陸軍部立案并挑選程度較優考取前列之學生三十人咨送陸軍部考驗以符陸軍定章而昭慎重以後即照章開辦弁兵科以六個月爲畢業俟現充憲兵皆經輪班入所學習後此項憲兵練習所再行停辦抑職道猶有請者伏維陸軍部定章已改憲兵爲陸軍警察直隸山東已經照辦憲兵司令部似應改爲陸軍警察營憲兵練習所似應改爲陸軍警察練習所以昭劃一擬懇憲台一併咨商陸軍部查照改編所有詳請立案緣由理合連同章程一冊學術科預定表一張學術科教授回數表一張學生名

冊一本一併備文詳復伏乞照驗施行

督辦批 詳及表冊均悉仰候咨部查核至章程表冊等件亦應補送一分存查仰即遵照此批

督辦批 詳及表冊均悉仰候咨部查核至章程表冊等件亦應補送一分存查仰即遵照此批

各省要聞彙誌

江甯 ●今年江鄂秋操沿途不通電綫業已安置以期迅捷督憲端午帥以秋操大典爲各國觀瞻所

係不容貽誤騰笑外人惟總督在省遙制凡隨時應行稟函機務未能靈捷爰於督署設置電綫直達安徽太平府秋操總機關處操畢撤銷以昭慎重●江南巡警路工局日前詳請調撥江北馬隊馬匹並購手鎗一案奉批查本屆辦理秋操應須臨時警察前飭預行組織馬巡白人所需購馬配鞍價值恐非七八千金不能濟用該局擬請將江北提部堂所部馬隊內借馬百匹連同鞍轡並按月馬乾撥交該局暫行管理俟秋操事竣即行送回於整理警務之中仍寓節省經費之意事屬可行候據情咨商江北提部堂查照辦理至所需六響手鎗二百枝約需三四千元並即由該局趕緊選購議明價值合同飭由財政局在此次秋操經費內開支造報

江蘇 ●飛划營陳統領以軍火關係甚重恐有不肖弁勇私行盜賣接濟匪徒情事因通飭各營傳知各哨弁勇嗣後每月用火藥若干或打靶若干均於月報單內報明以備查考至勦梟時所有奪獲槍械子彈等件亦宜分晰呈報不得含混隱匿亦不容私藏家內暗中托賣如有此等情事一經查出或被發定按私藏軍火律擬辦

安徽 ●皖撫近接陸軍部咨開北洋陸軍學堂學生金吾畢業後經部考列軍械科上等已奉籤分第

五鎮學習官事該生自應領照到差今輒以係屬皖人應辦皖學爲辭避勞就逸殊屬非是應令該生仍速來津供職等語皖撫准咨後當卽轉飭遵照●秋操參謀旅行軍諮處馮正使前赴太湖道經皖省其時各當道均往謁見並派委多員隨往照料其所撥馬匹亦經馬營派弁隨同馳送茲聞正使有電來皖謂照料各員及馬營所派之隊官人等沿途均尙謹慎照料亦頗周妥請飭分獎等語繼中丞接電後適值病劇出缺未及核辦由沈護撫查照辦理

江西 ●江西陸軍測繪學堂所有舊班學生四十名現屆外習學業會奉部飭出示添招新生四十名茲悉報名投考者一千餘名由該堂監督劉祺督同各教員按日分班考驗各生體操以便擇尤取入肄業

各國要聞彙誌

文匯報載倫敦路透電云日本特造之船已抵梅爾西以便將定購之海底潛行水雷艇運回日本聞其船面可以移動云

字林報載倫敦電云德國墨立歇地方近試驗新發明炸藥一種名曰其拉愛脫爆力極大性極猛烈

倫敦電云土京君士坦丁軍隊已定在斯丹姆巴爾邊境舉行大操所有舊制大加改革●又電云君士坦丁之人皆信土政府不日將派兵艦一隊開赴士麥拿與希法兩國戰艦會合並擬以魚雷艇四艘組織水師一隊駐泊紅海波斯灣等處以資防護艦隊中有朽敗之船二十二艘業已改充他用免失

度支部奏催本年京餉摺

奏爲本年京餉已屆初限請

旨嚴催報解以供開放恭摺仰祈

聖鑒事竊查上

年十一月間臣部奏撥本年京餉銀七百萬兩嗣因部庫存款無多每月放款甚鉅復於本年三月間援案添撥銀一百萬兩共銀八百萬兩均限五月前解到一半年底一律解清先後奏准行知各省關遵照在案今查截至本年五月底止除劃撥已解報解起程及半各款外其解不及半暨絲毫未解者本應分別指名叅處第念集款不無遲速卽逾違或出有因擬請暫行從寬免議總計本年原撥續撥京餉各省關未解共銀四百七十四萬五千兩謹分晰繕具清單恭呈

御覽惟近歲庫儲益形支絀全賴各省源源接濟若各省關狃於積習仍前拖欠部庫實有不敷開放之慮相應請

旨嚴飭各該省督

撫鹽政藩司運司鹽道關道監督等各將未解京餉迅卽提前解部以供支放統於年內掃數解齊經此次奏催後倘再違限拖欠致誤要需臣部定行指名叅辦所有催解本年京餉緣由理合恭摺具陳伏乞

皇太后

皇上聖鑒謹

奏光緒三十四年六

月十五日奉

旨依議欽此

各省關應解本年原撥續撥京餉共銀八百萬兩分晰已解未解各銀數清單

山東地丁銀四十五萬兩全數劃撥北洋陸軍餉銀之用 鹽課加價共銀二十一萬兩全數劃撥北洋

陸軍餉銀之用 東海關常洋兩稅共銀三萬兩全數劃撥北洋陸軍餉銀之用 鳳陽關常稅銀三萬

兩解清 以上四款劃撥並已解清楚 津海關洋稅銀六萬兩解到四萬兩未解二萬兩 四川鹽釐

津貼共銀四十二萬兩解到十二萬兩起程十萬兩未解二十萬兩 湖南地丁銀二十五萬兩解到十

三萬兩未解十二萬兩 河南地丁銀二十萬兩劃撥陸軍月餉銀十二萬兩解到五萬兩未解三萬兩

長蘆鹽課加價共銀三十萬兩解到十七萬五千兩未解十二萬五千兩 以上五款劃撥並已解報

解過半 廣東鹽課銀二十萬兩解到五萬兩起程五萬兩未解十萬兩 兩浙鹽課鹽釐銀二十二萬

兩解到十一萬兩未解十一萬兩 湖南釐金銀五萬兩解到二萬五千兩未解二萬五千兩 安徽地

丁銀二十萬兩解到五萬兩報解五萬兩未解十萬兩 安徽釐金銀十萬兩解到一萬兩報解四萬兩

未解五萬兩 以上五款已解報解及半 江西地丁銀三十九萬兩解到十萬兩未解二十九萬兩

兩淮鹽課鹽釐銀四十五萬兩解到二十一萬兩未解二十四萬兩 粵海關洋稅盈餘共銀十六萬兩

解到四萬兩未解十二萬兩 山西地丁銀五十萬兩劃撥綏遠城旗丁生計銀十萬兩解到十萬兩未

解三十萬兩 湖北地丁銀四十五萬兩解到十二萬兩報解八萬兩未解二十五萬兩 釐金銀十二

萬兩解到三萬兩未解九萬兩

鹽釐銀十一萬兩

解到三萬兩報解一萬兩未解七萬兩

江漢關洋

萬兩解到三萬兩未解九萬兩 鹽釐銀十一萬兩解到三萬兩未解八萬兩
稅銀十五萬兩解到五萬兩未解十萬兩 蕪湖關常洋兩稅共銀十萬兩解到二萬兩未解八萬兩
解六萬兩 江蘇地丁銀十五萬兩解到五萬兩未解十萬兩 江海關常洋兩稅共銀二十八萬兩解
到十萬兩未解十八萬兩 廣東地丁銀十萬兩解到二萬兩未解八萬兩 釐金銀十萬兩解到二萬
兩未解八萬兩 福建鹽課銀十五萬兩解到五萬兩未解十萬兩 湖南鹽釐銀十四萬兩解到二萬
五千兩未解十一萬五千兩 重慶關洋稅銀十二萬兩起程四萬兩未解八萬兩 浙江地丁銀四十
萬兩解到五萬兩報解十萬兩未解二十五萬兩 九江關常洋兩稅共銀二十萬兩起程四萬兩未解
十六萬兩 太平關常稅銀五萬兩解到一萬兩未解四萬兩 以上十九款劃撥已解報解起程均不
及半 天津關常稅銀四萬兩 江西釐金銀十萬兩 鎮江關洋稅銀十六萬兩 揚州關常稅銀三
萬兩 閩海關洋稅銀二十一萬兩 浙海關常洋兩稅共銀八萬兩 浙江釐金銀六萬兩 福建茶
稅稅釐銀二十萬兩 江蘇釐金銀二十二萬兩 淮安關常稅銀二萬兩 贛關常稅銀二萬兩 江
海關代征贛關絲繭稅銀二萬兩 以上十二款未據報解 綜計本年原撥續撥京餉共銀八百萬兩
截至五月底止除劃撥共銀九十一萬兩解到共銀一百七十六萬五千兩報解起程共銀五十八萬兩
外各省關尚有未解共銀四百七十四萬五千兩均限於年內如數解清

度支部奏催本年籌備餉需片

再查上年十一月間臣部援案奏請指撥光緒三十四年分籌備餉需銀二百萬兩限令各省於戊申年

四月前批解一半十月內掃數解清先後奏准行知各省關遵照在案今查截至五月底止除江海關應解六成稅銀兩浙運庫應解銀兩均已籌解及半外其江西福建廣東三省應解銀兩粵海江漢兩關應解四六成稅銀兩閩海關應解四成稅銀兩均解不及半至江蘇浙江安徽三省應解銀兩杭州山海兩關應解稅銀均未報解絲毫本應隨摺分別奏參惟尙未屆掃數解清之限且臣部五月前開放一切款項設法通融亦無貽誤此次擬請從寬免議現值庫儲窘絀各項支款日益繁多各該省共當力顧大局此項籌備餉需與京餉事同一律勿得視爲故常任意拖欠謹將各省關應解籌備餉需分晰已解未解各銀數繕具清單恭呈 御覽相應請 旨嚴飭各該督撫藩司運司監督關道等各將欠解部庫銀兩

務須迅速籌解以濟要需倘屆限仍前延欠不能清解臣部定行指名奏參所有催解戊申年籌備餉需緣由理合附片陳明伏乞 聖鑒謹 奏光緒三十四年六月十五日奉 旨依議欽此

各省關應解本年籌備餉需銀二百萬兩分晰已解未解各數清單

江海關六成洋稅銀二十萬兩起程十萬兩未解十萬兩 兩浙運庫銀六萬兩解到三萬兩未解三萬兩 以上二款解到報解均已及半 江西省銀二十四萬兩起程五萬兩未解十九萬兩 福建省銀十萬兩起程一萬五千兩未解八萬五千兩 廣東省銀二十萬兩解到五萬兩未解十五萬兩 粵海關四六成洋稅銀三十二萬兩解到八萬兩未解二十四萬兩 江漢關四六成洋稅銀三十二萬兩解

五千兩 以上六款解到報解不及半 江蘇省銀六萬兩 浙江省銀二十八萬兩 安徽省銀四萬兩 杭州關洋稅銀二萬兩 山海關洋稅銀四萬兩 以上五款均未報解 綜計本年籌備餉需共銀二百萬兩截至五月底止除解到二十萬兩報解起程二十二萬兩各省關尚有未解共銀一百五十八萬兩均限於年內掃數解清

度支部奏議覆江督等奏請就已購銅斤儘數開鑄銅元摺

奏爲遵

旨速議具奏恭摺仰祈

聖鑒事准軍機處片交本年七月十三日奉

旨端方陳夔

龍岑春葢會同電奏悉所請將已購之銅儘數開鑄當十當五當二各銅元以維市面而清欠款著度支部速議具奏欽此欽遵抄奏到部查原奏內稱江甯鄂湘三省造幣分廠鑄造當十銅元前經遵旨

暫停迄已數月甯廠於本年正月因存銅無多奉部核准添購紫銅三萬五千石訂明分批交貨甫據交到銅二萬一千餘石卽奉飭停鑄應付銅價無可挹注不得已將春季應解餘利暫行挪付仍有未交銅一萬三千餘石應付銀四十二萬餘兩當屬各號銅商退貨奈各號均以銅向外洋購定萬難停運爲辭紛紛來廠稟請磅收付價值此庫藏支絀從何籌此鉅費現在運廠存銅尙有一萬五千餘石以日鑄新錢四十萬枚核計每月僅需銅一百數十石卽使以錢易銀亦無補於數十萬兩未付之銅價部議開鑄一文新錢原以輔制錢之缺乏防當十銅元之減跌第念一文新錢僅備找零之用推行究未能廣若於當十之外兼鑄當五當二銅元市面尤爲稱便曾經電商度支部議將購定之銅儘數開鑄銅幣卽行停

止正擬具 奏適夔龍亦以鄂省秋操在即軍旅餉需費用甚鉅兼以近月霖雨連旬各屬堤壩潰決災民蕩析離居工賑需款尤亟武漢商務繁盛各業交易大半均係錢盤門市應付深虞不濟以前購定紫銅各商家分批運到交貨索銀尤難設法現在鄂廠存銅六七萬石若不暫准儘銅開鑄必致銅價無可歸還春冀以湘省制錢銅元俱形缺少前在鄂廠搭鑄時市鎮尙不敷周轉近來市面艱窘尤甚於前雖銀價未跌而兌換轉用概係店鋪紙票交通不便倒塌堪虞鐵路轉瞬開工需用現錢尤甚且前請加鑄甫經奏准適奉議停當時預備開工修整局廠機器購備銅舫用款已多均由挪借而來現存紫銅一萬石必須開廠鼓鑄方足以資彌補先後電商均擬就已經購定之銅儘數開鑄俾市面可資周轉欠款得以清償方等復查三省自銅元停鑄後銀價既未稍跌而市面交易轉欠流通從前購定之銅交貨索銀萬難商退困迫情形如出一轍自不能不設法維持以資補救可否准將已購之銅儘數開鑄當十當五當二等項銅元以維市面而清欠款等語臣等伏查各該廠訂購銅斤俱在未經停鑄以前原恃鑄成銅元售銀付價自銅元停鑄而洋商銅價勢難懸欠各省事繁款絀自不免挪墊爲難該督等體察市面商情爲此兼籌並顧之舉應請准其照辦第此等情形尙不止該三省爲然現准閩浙總督松壽來咨亦稱閩廠共欠銅煤價銀三十餘萬兩洋商追索甚亟而省外缺乏銅元之處尙多開鑄無虞壅滯又據河南造幣廠呈稱所訂期銅三千餘石洋行未允停運棧租拆息貼累亦多此外津粵各廠經臣部電查亦皆有已購未鑄之銅斤擬請一律將已購之銅各廠按日鑄原額及當十當五當二成數儘數鑄造銅元

有已購未購之銅斤擬請一律將已購之銅斤各按被版日數原額及當十當五當二成數儘數鑄造銅元

一俟存銀鑄完即行停止至將來應否復鑄再由臣等體察情形會商各督撫妥籌辦理所有臣等遵
旨速議緣由謹恭摺具陳伏乞 皇太后 皇上聖鑒謹 奏光緒三十四年七月十七日奉

旨依議欽此

金陵釐捐總局詳請加給長江統捐各局開支擬定辦法文並批

為詳請事竊查長江改辦統捐擬將委員薪資司事扞勇辛工以及局用各項一律仿照鄂省辦法從寬
議加一事於上年七月列人長江統捐章程第二十條內詳奉憲台批示內開各委員司巡人等如果潔
已奉公力除積習收數確有起色自應援照湖北辦法從優加給薪資以示鼓勵並由該總局隨時查核
俟三個月後開列收數比較詳請從優核定仍准自改辦統捐日起一律補支等因奉此茲查上年九月
初一日開辦長江統捐起十一月底止為三個月限滿之期核算減收之局有二曰瓜泗曰荷花池增收
之局有四曰大勝關曰六合曰大河口曰下關增減兩抵統計盈收錢三萬數千串自改統捐以來商販
亦尚稱便所有應加長江各局員司扞勇開支各款分別增收減收各局擬定辦法暨三個月收數比較
業經開摺呈明憲鑒在案理合分繕清摺具文詳請伏候憲台鑒核批示以便飭遵再各局盈收應於交
卸時照提津貼錢文擬請仍准提給惟向章大局一成中局二成小局三成現既改辦統捐各局捐款多
由首卡代收而來且已優給公費此項津貼自應酌減擬請不分大中小局一律改為五釐如收錢一百
串准提津貼錢五串仍於交卸時發給合併陳明

督帥批 據詳及各摺均悉查長江各釐局自上年九月初一日改辦統捐之日起至十一月底止計三個月限滿增收之局有大勝關六合大河口下關四處減收之局僅瓜泗荷花池兩處增減兩抵溢收錢三萬數千串良由前總辦吳道與該道悉心籌畫而又認真督飭勞怨不辭故能有此效果深堪嘉慰各局委員司巡人等稽征得力自應從優加給薪資以示鼓勵查閱摺開擬加委員公費司事扞勇薪資各數目均極精當所請增收之大勝關等四局自開辦統捐之日起一律准其補支減收之瓜泗荷花池兩局暫行停支俟增收之月核計錢數在一成以外方准起領如增不及一成仍應停支寓激勤於獎勵之中用意尤爲深遠應卽照辦自此次優加公費薪資之後務仍切飭各局委員益加奮勉督率司巡人等實力稽徵總期積弊漸除釐收日旺是所厚望至各局溢收於交卸時應提津貼錢文准如所議不分大中小局改爲五釐以歸一律餘悉如詳辦理卽遵照仍報明撫部院暨候批示繳各摺存

各省要聞彙誌

江甯 ●署甯藩司陳方伯前因江甯府七縣公稟丁漕改章當以蘇屬三十三州縣亦係先後具稟變通征銀解銀並以蘇屬糧賦重於甯屬一面據情移商蘇藩司瑞方伯瑞方伯移復主張駁斥略謂近年來民遭荒歉元氣未復州縣因錢價跌落賠累無窮雖屬實情然以數百年之成案驟欲一朝改章

事關大局應從緩議

江蘇 ●滬杭甯鐵路借款應由蘇省籌銀一萬五千兩然蘇藩司力難獨任稟由撫憲札飭保銀

江蘇 ●滬杭甬鐵路借款虧耗應由蘇省籌銀一萬五千兩然蘇藩司力難獨任稟由撫憲札飭保銀
兩關各籌銀五千兩以資協助鎮關道劉觀察奉文後以關款支絀異常本屬無銀可撥然事關公益
不得不竭力籌畫且為數尙屬無多因如數滙寄蘇垣以便藩司彙齊轉交

安徽 ●紙張統捐總辦文豹南太守因紙張名目繁多稅則自難劃一不免偏重偏輕之弊特擬訂科
則若干條略照向日華陽鹽河大通三卡稅章小有變通已上稟牙釐局請示遵行●太和田大令統
籌以舉辦地方公益款多不敷若非設法補助恐難資挹注因查有冊書規費一項為數亦多擬按每
畝捐稻二升折錢三十文計歲可獲三千餘串以充各項公益費用當亦不無小補已據情上稟撫院
奉批照准

江西 ●萍鄉煤稅向歸湘東釐卡兼收因辦理不甚起色曾經大吏札委錢令逢吉前往專辦其事現
因稅項甚為減色該令特於日前具稟來省請仍由釐卡兼收以節用費●贛省大吏接江督憲電籌
議鹽斤加價一事撫帥以贛路已在鹽斤項下抽捐助股茲復加增恐有窒礙因飭諮議局邀集全省
紳商會同核議

各國要聞彙誌

東京電云日本內閣集議當將下次預算案大綱議債債款擬自三千七百萬圓增至五千萬圓政府各
種經營並海陸兩軍皆將展緩共可省洋一百兆圓 又電云日政府為撙節經費暫停經營軍務及

各種事業共可省費洋二百兆圓內有公債券洋八十兆圓此款爲支持政府事業政策之一惟鐵路事業之款另入他項報銷並未刪除然鐵路公債券亦擬暫止三四年再爲發行

倫敦電云君士坦丁電稱土爾其宮廷實行節用政策官員黜職者共有六十四名土王養馬場業已裁廢所有馬匹悉行送交兵部使用官員及各大臣在任時所得贓款田地悉行歸還原主受贓各員擬按律懲罪

柏林電云英俄兩國前擬借款與波斯今事已歸無效

農工商部奏籌議華商創興瓊崖事宜酌擬辦法摺

奏爲籌議華商創興瓊崖地利事宜酌擬辦法次第並預籌久遠而杜流弊恭摺覆陳仰祈 聖鑒事
竊本年三月初八日准軍機處片交本日侍郎楊士琦奏華商集資創興瓊崖地利辦法摺單一件奉

旨農工商部議奏欽此傳知欽遵等因到部查原奏內所列一綱十目均係籌邊殖民要政亟應統籌
全局次第設施當經臣等電囑胡國廉來京面商辦法茲接胡國廉函稱瓊崖事件艱鉅非厚集商力不
足相與有成擬先設總公司爲開闢瓊崖之根本一面招致僑商分設各項小公司廣興實業資本不足
總公司俟助之俟其獲利則總公司酌提津貼以示報酬大小相維厥效自著現已招股一百萬元設立
僑興總公司先辦墾礦畜牧匯兌事宜又招股一百萬元設立僑豐公司專辦鹽務以候選道區昭仁專
駐瓊崖綜理一切以道銜張維藩佐之又有四品卿銜吳梓材候選同知鄭瓊鹽運使銜胡夢青分駐香
港霹靂等處同心規畫此外南洋各埠同志頗多現值銀價低落籌款較難一俟市面稍寬尙當續招鉅
股等語並令代表人張維藩來部面陳辦法臣等竊維瓊崖全島爲古儋耳珠崖等郡地多炎瘴山海崎
嶇數千年來未經墾闢然其地內屏兩粵外控南洋與香港小呂宋西貢等埠勢若連雞隱然爲海疆重
鎮而土脈膏腴農礦饒衍尤爲外人所艷稱未雨綢繆誠爲急務胡國廉雅負物望精擅商才原單內所
列各條及此次函陳辦法均屬胸有成竹切實可行惟是造端甚宏創始不易若諸務同時並舉資力或

恐未勝臣等與該代表人往復推求公同商榷就所列一綱十目參之以情勢證之以事理竊以爲有宜
亟辦者五有宜次第舉行者三有宜暫行緩辦者二而鯁鯁過慮更有不能不爲公司籌久遠爲 國家
杜流弊者敬一一爲我 皇太后 皇上縷晰陳之查原單內開銀行一條百業以資本爲根源

而資本以銀行爲樞紐蓋有銀行則散者可使之聚滯者可使之通西人經濟專家之言至以銀行爲實
業之母故銀行勢力所及之地實業卽隨之而興徵之列強成效可觀該公司擬在瓊州設勸業總銀行
俾商民尺幣寸金皆得有所儲蓄血汗所易不至隨手耗失而凡辦墾礦事宜者亦皆有所告貸補助以
資週轉雖目下地利未盡不妨小試其端而他時百廢俱興卽力圖擴充之計經營瓊島良爲要圖此臣
等所謂宜亟辦者一也又原單內興礦業一條瓊崖礦產饒富地不愛寶而人棄之至可惜也今旣力圖
開闢則開採礦產亦其要矣擬將瓊崖全島各礦俱歸該公司勘採或由該公司轉招他商承辦利源旣
闢風氣益開成績所彰殆可逆覩惟是維持商業首在體恤商艱所稱礦章限制太嚴租稅征收過重擬
請通融辦理各節自是實情現在新定礦章已經 奏明重加釐訂將來邊遠之地有難一律遵行者均
可准予變通胡國廉前請辦儋州那大等處錫礦亦經臣部核准量予變通有案該公司勘採全島礦產
規畫尤屬爲難欲求全體之振興必予以特優之利益所有該公司照費年租出井稅等款均可按給照
年限一律豁免以資鼓勵至出口稅關緊正款仍飭令照章完納庶幾商力不困而常課無虧利國利民
無如此者此臣等所謂宜亟辦者二也又原單內請荒地一條瓊崖十三州縣井里汶等處動墾土曠振興

無如此者此臣等所謂宜亟辦者一也又原單內請荒地一條瓊崖十二州縣井里汶汶等處宜亟辦者一也

農業必始查荒惟是清丈事關地方稍一不慎易滋騷擾應由兩廣總督嚴飭勸業瓊崖兩道督同該管州縣會商該公司將全島荒地分段查勘分別官荒民荒妥籌辦法總以釐正經界毋擾居民爲主義一俟查勘完竣卽由該公司承領開墾並測繪詳圖擬訂章程具報臣部及兩廣總督會商核奪庶幾疆場可正溝洫可治陌阡可通物宜可辨而農利乃可言矣此臣等所謂宜亟辦者三也又原單內廣種植講畜牧兩條樹畜爲農政大端若必俟全島清荒事竣方能舉辦則天時地利物力均廢棄可惜自宜取考查有得著手較易者爲最先之試辦如棉花葦麻甘蔗蘿蔔洋薯樹膠椰子胡椒各品於瓊崖土性適宜擬先從瓊澄臨儋定安境內先行種植畜牧則先選購牛羊佳種擇水草佳處爲畜牧場並製造皮毛化生爲熟數年之後以次陸續推廣滋生蕃衍博碩肥腴必有可觀或以供製造或以資販賣細之足以裕小民之生計大之可以增全島之利源事有似微而實宏似緩而實急者此類是也此臣等所謂宜亟辦四者也又原單內興鹽務一條瓊島濱海本係產鹽之區現由胡國廉設立僑豐公司擬卽廣闢鹽田精求製法與廣東鹽運司議訂章程業經兩廣總督批准專辦三十年在案事關鹽法應由兩廣總督咨明度支部辦理此臣等所謂宜亟辦者五也又原單內長森林一條林業獲利最優而收效較晚瓊崖地方遼闊嶂巒層疊森林地位本極相宜惟旦旦斧斤遂致難期長養居民樵採已慣一時禁令必有所難周體察情形似不能尅期並舉應俟清荒之後公事辦有頭緒再行陸續興辦此臣等所謂宜次第舉行者一也又原單內重漁業一條漁業關係海權至爲重要所稱置備輪船改良捕法講求醃製以廣銷路辦

法亦極允洽惟創辦既多耗費獲利亦未可預期應俟該公司氣力稍充勢能兼顧再行廣集資本切實講求此臣等所謂宜次第舉行者二也又原單內築馬路一條籌瓊以築路爲要著原奏內亦曾聲明明臣海瑞前督臣大學士張之洞先後均經籌辦然披荆剪棘其事絕艱備料程工需款尤巨擬從農礦開辦之處先行籌築隨後逐段擴充庶幾款不虛糜路不虛設歲修之費亦有所資至或由官辦或由商辦應飭該公司會商地方官妥爲布置此臣等所謂宜次第舉行者三也又原單內設輪船一條瓊島孤懸海外必須自開航路以便交通所稱創設輪船爭瓊港往來之利誠具卓識惟實業未盛運貨無多公司慮有虧折應俟以上各項漸次發達然後相機措辦屆時稟商郵傳部辦理此臣等所謂宜暫行緩辦者一也又原單內開商埠一條瓊州海口早已設關客貨無多收稅未旺該口沙磧飄蕩靡常潮退之時難容巨舶榆林港在崖州西南人烟稀少出產甚微目前尙難建築該公司擬別擇良港自關商埠誠爲保守利權之計應俟商務漸盛再行體查情形由臣部咨商外務部辦理此臣等所謂宜暫行緩辦者二也夫以該公司負非常之責任抱無窮之希望志業偉大良足嘉尙雖經臣等酌量緩急定措施之次序然工艱費鉅任重事繁投資本於蠻烟瘴雨之鄉期成效於曠日持久之後非予總公司以特別之權不足以資提倡重以漢黎雜處主客異形開辦之初慮多阻擾惟賴 朝廷主持於上地方官協助於下寬稅則以紓商力簡文法以順商情將來百貨萬商駢闐充溢公司蒙其利 國家亦坐受其成萬一權多旁

舉功廢半途前者寒心後者履足事機一誤慮患方深臣等公擬印懇

天恩俯念瓊崖事體重要用

飭下兩廣總督督飭勸業道及瓊崖道

實力保護並由臣部隨時稽察遇事維持俾策全功而收實效臣等所謂爲公司籌久遠者此也抑臣等更有進者此項墾礦章程爲發舒商力鼓舞僑情起見且創辦各商均熱心祖國夙負重望自不妨格外從寬以盡地利而將來流弊亦不可不豫爲之防該總公司係完全商辦性質任事各員悉由股東公舉他日輾轉易員至十數年數十年以後倘有攙合外股借用外款等事仍由臣部及兩廣總督暨兩廣諮議局隨時稽查一經覺查所定章程作爲無效並飭該公司將此條訂入專章以期永守臣等所謂爲國家杜流弊者此也至於未盡事宜及各項詳細辦法統俟該公司妥訂章程呈由臣部核定辦理所有籌議華商創興瓊崖地利酌擬辦法次第並預籌久遠而杜流弊各緣由理合恭摺覆陳伏乞

太后 皇上聖鑒訓示再此摺因與胡國廉函商辦法是以覆奏稍遲合併聲明謹 奏

農工商部咨江督文 一爲通崇海商會稟陳花業救弊辦法請飭立案事

爲咨行事案據江蘇通崇海商務總會呈稱竊查通州商業以花布爲大宗咸同以前三境業花者不過請帖開行代客買賣價隨市定行無資本惟取用錢而已同光以來洋紗灌輸內地逐漸推廣織工川楚閩魯之商置花而購紗於是三境之花始輸運於日本及蘇滬通崇各紗廠相繼創立需用愈多價值日高種植愈廣而營業機關皆蒼於滬統計三境業花之商資本充實者百僅三四其餘資本薄弱者皆通挪於上海錢莊名爲莊客往往一人包攬數家多或十數家於花未上市之時先行估價拋盤自拋以後

價漲則承拋之家隻包不可減少受虧極鉅價若跌落承拋之家運慮解貨買戶故延不收收時又有割秤短價種種虧損以上二端大率拋定空盤未收分文者設有已付定銀因營業變動虧累閉歇貧不能償則必嫁禍他人株連飛灑屢年三境商民受害者十有餘家若不特申禁令嚴訂罰章必致天然之利轉成無窮之害今擬救弊之法曰清查行戶曰嚴考花質曰整頓花布公所曰公設銀行四者非實力組織不能相繫相維事關農商兩業不得不求整齊利導除照會各分會妥議章程另行呈報外理合據實呈明伏乞轉咨督憲飭滬道立案等情前來查該商會所陳各節係爲整頓花業起見持論頗多可採除一面札飭妥議章程報部外相應咨行貴督查照轉飭滬道立案以杜積弊而維商業可也須至咨者

各省要聞彙誌

江甯 ●督憲端午帥頃以禁煙一事期在必行前擬抽收土店之公行牌照稅自二元至六元按年遞加期符十年淨盡限制縱不能以征爲禁然以此項稅款全歸新政禁煙之用名實相符惟按照日本稅章凡售賣毒物害人之品應從重征收此項土市公行與通常營業者迥別現在財政支絀如牙戶行棧尙須請頒部帖籌款加重分別上中下三則稅餉於營業鴉片生意者加收不嫌苛刻而原章自二元至六元太失鬆減爰札飭江南財政局金陵釐捐局地方自治局江南巡警路工局會同籌商加稅辦法稟復核奪

江甯 ●蘇州生電登公司前年由職商贊美頌等稟請集股承辦經撫憲飭由商務局核議妥洽並

利辨法真復林
●蘇州民生電燈公司前年由歐商賈美頓等稟請集股承辦經撫憲飭由商務局核議妥協並
備付一成現由德商西門子洋行在上海公廨控告德領事亦向撫憲函詢催索陳中丞恐該商拖延
釀成交涉日前特電咨農工商部請將該商註冊原案撤銷一面督飭農工商務局另招股實紳商承
接隨時咨部核辦部中電復謂生生電燈公司久未開燈且與洋行欠款糾葛自未便仍令賈商等承
辦已飭局將註冊原案撤銷並希將該公司前領執照追繳咨送本部電燈爲地方要政請飭農工商
局另招股實紳商接辦以維商業

安徽 ●土藥統稅局前頒土單發給土商領執售土原所以防影射而杜弊端乃舒城近有萬祥順土
號未經報領官單私自開店經售總辦童觀察恐他商相率效尤稅務前途大受影響特檄飭該縣立
卽查明封禁以儆其餘

江西 ●景鎮商會組織數月業已成立前在本鎮花園里聯合所開會用複選法公舉總理推定臨時
主席吳瑤笙君檢票員陳麓生徐搗五兩君臨時書記胡郁文君首由主席宣讀省憲及農工商部來
電已承認設立景德鎮商務總會次由各會員投票選舉總理以康君特璋得票最多其次則爲陳君
仲西故當場遂決議推定二君爲總協理衆會員均贊成次如法複選會計書記庶務調查招待各員
各幫復添舉議董胡季侯馮光昆熊芳華及名譽董事等二十餘人次江養吾君演說其辭云景鎮未
有商會以前事事腐敗倘商會成立以後仍然不能改良則堂堂四十餘董事登場亦覺汗顏鄙人久

居景鎮深知此間之風俗習慣大約往日所謂地方紳士者不過走衙門爲人說案希圖沾潤耳更有一種無恥之人惟利是圖並不能爲人排難解紛所以商家皆鄙夷之今日會員中想皆束身自好斷無此等流品攪廁其間工商兩界當可相安於無事惟我國人還有一椿積習急宜痛戒譬如約定會期時間往往不能取信以後會友中如犯此必科以罰金

各國要聞彙誌

東京電云日本有糖業大公司三家現已組織一糖業脫拉斯

文滙報載倫敦路透電云英國商會中之強有力者決議振興英俄商務

文滙報載倫敦路透電云英國新定商標律例業已實行德美二國之人現欲籌款二十五兆磅在英國設廠以保守從前在英註冊之物云

字林報載倫敦電云紐約著名專作經紀之罷耶公司於日前倒閉所欠之款現尙未詳但其數至少必值美金數兆聞該行倒閉之故實由於誤蹈空盤貿易之弊

議員以一年爲限者一以均勞逸一以杜少數專擅之弊

第十六條 議長因事出缺時以副議長遞補之副議長因事出缺時由議員中互選補之若不在開會期中得由常駐議員中互選補之 常駐議員因事出缺時以候補常駐議員名次表之列前者遞補之 議員因事出缺時以複選候補當選人名次表之列前者遞補之 謹案本條係定議長議員等補缺之法以免臨時之紊亂兼省再選之煩瑣

第十七條 凡補缺之議長副議長議員常駐議員其任期以補足前任未滿之期爲限 謹案議長議員等改選必歸一律不使有參差不齊之病故本條定各項補缺者之任期悉以補足前任未滿之期爲限則斟酌若畫一矣

第五章 改選及辭職

第十八條 凡議員任滿後均分別改選再被選者得行連任但連任以一次爲限 若議員任期末滿而選舉區有更改者照舊任職 謹案改選議員本以新舊相乘除然再被選而亦許連任者資熟手而順輿情也但連任或至數次爲時太久恐有挾持資

望蔑視同列之弊且後起者亦將爲所抑壓而不得進甚屬非計故連任止以一次爲限

第十九條 凡議員非因左列事由不得辭職 一 確有疾病不能擔任職務者 二

確有職業不能常駐本省境內者 三 其餘事由特經諮議局允許者 謹案議

員有應盡之義務一經被選不得推諉然或真有疾病或以事不能常住本省則雖令強留亦難盡職故經審查確實亦可聽其辭退

第二十條 凡議員於任滿後再被選而欲辭職者聽之 謹案議員雖可連任一次然使久從公務或於本人私計大有妨害是亦不近人情故既經任滿而再被選者雖辭退亦無不可

第六章 職任權限

第二十一條 諮議局應辦事件如左 一 議決本省應興應革事件 二 議決本

省歲出入豫算事件 三 議決本省歲出入決算事件 四 議決本省稅法及公

債事件 五 議決本省擔任義務之增加事件 六 議決本省單行章程規則之

治會之爭議事件 十二 收受本省自治會或人民陳請建議事件 謹案本條係

定諮議局應辦事件凡所列舉均以本省之事爲止示與資政院所定權限有國家地方之分第一款總括地方庶政而言二三四五等款爲監察財政事宜六七兩款爲參與立法事宜第八款係欽遵 諭旨豫立議院之根基九十兩款以備京外之顧問十一十二兩款以平自治會之紛爭以通人民之情悃

第二十二條 諮議局議定可行事件呈候督撫公布施行 前項呈候施行事件若督撫不以爲然應說明原委事由令諮議局覆議

第二十三條 諮議局議定不可行事件得呈請督撫更正施行若督撫不以爲然照前條第二項辦理

第二十四條 諮議局於督撫交令覆議事件若仍執前議督撫得將全案咨送資政院核議 謹案以上三條係就諮議局所議與本省大吏或合或不合之事件而定其往復之辦法以防諮議局與督撫生意外之齟齬也其要旨有五 一諮議局議定可行事件督撫若無異議有公布施行之責 二督撫提議事件諮議局如以爲不可行者有議

請更正之權三諮議局議定可行或不可行事件督撫如不以爲然者有交局覆議之權四交局覆議事件督撫必須說明原委事由否則不能令其覆議五督撫及諮議局各執一見不能解決之事件督撫應咨送資政院以待決定

第二十五條 第二十一條所開第一至第七各款議案應由督撫先期起草於開會時提議但除第二三款外諮議局亦得自行草具議案 議案第二十一條所開第一至第七各款議案皆與行政相關督撫爲行政長官應預爲籌畫一切故先由督撫起草然或諮議局自有所見足以補督撫之所不及若不許其提議則與採取輿論之旨不符本條特許諮議局以自草議案者所以通下情也

第二十六條 諮議局於本省行政事件及會議廳議決事件如有疑問得呈請督撫批答 若督撫認爲必當秘密者應將大致緣由聲明 謹案本條係申明諮議局於本省政務有與議之權蓋有問必答雖秘密者亦當說明其大致緣由至詳細內容無庸宣示

第二十七條 本省督撫如有侵奪諮議局權限或違背法律等事諮議局得呈請資政

院核辦 本省督撫如有侵奪諮議局權限或違背法律等事諮議局得呈請資政院核辦

於衆議而不致有病國害民之舉願又不令諮議局徑行抗議而必以核辦之權付諸資政院則諮議局亦不能肆行挑剔以掣督撫之肘凡以避上下之爭突保行政之平衡而已

第二十八條 本省官紳如有納賄及違法等事諮議局得指明確據呈候督撫查辦
謹案諮議局爲一省輿論所集之地官紳有納賄違法情事人民必遭其冤抑自應立予糾舉俾順羣情其必指明確據者以防挾嫌誣陷之弊其必呈候督撫查辦者以保行政長官監督之權

第二十九條 凡他省與本省爭論事件諮議局得呈請督撫咨送資政院核決 謹案各省壤地交錯難保無爭議事件事關兩省相持不已督撫及諮議局俱未便定議故非經資政院核決不足以昭平允

第三十條 凡第二十四二十七二十九條所列各事項經資政院議定後均宜分別照行 謹案資政院居全國輿論最高之地位故諮議局與督撫或諮議局與諮議局有相持之時則資政院應實行其解決之權既經解決後諮議局與督撫等即不得另有

異議所以保政治與輿論之統一也

第七章 會議

第三十一條 諮議局會議期分常年會及臨時會二種均由督撫召集 開會之第一日督撫應親自蒞局行開會儀式 謹案諮議局爲一省之議會與國會不同其所議係本省之事故由本省督撫召集之常年會照下條定期臨時會期則督撫酌定之

第三十二條 常年會每年一次會期以四十日爲率自九月初一日起至十月十一日止其有必須接續會議之事得延長會期十日以內 謹案常年會以每年九十月間爲宜蓋時值秋冬民間事務較簡且於次年豫算等事尤便調查會期以四十日爲率可以從容集議倘仍不足亦可展期其不得過十日者所以防議事迂緩不決之弊

第三十三條 臨時會於常年會期以外遇有緊要事件經督撫之命令或議員三分之二以上之陳請或議長副議長及常駐議員之聯名陳請均得召集其會期以二十日爲率 謹案臨時會非有緊要重大事件不宜輕易召集故開會之事亦較鄭重會期二十日較常年會爲短者以臨時會所議事項亦簡也

光緒三十四年八月二十九日

西曆一千九百八年九月二十四號

禮拜四

本報拾日出一册每册月册大洋七兩角五分

局設南京省城二道高井